

全上古三代秦漢三國六朝文

全宋文卷二十二

烏程嚴可均校輯

羊欣

欣字敬元太山南城人晉隆安中爲元顯後軍府舍人元興中爲桓玄平西參軍轉主簿楚臺建遷殿中郎稱病免義熙中武帝版補劉藩右軍司馬轉長史歷道憐中軍諮議參軍出爲新安太守至宋元嘉中稱病免除中散大夫卒年七十三有藥方十卷集七卷

書

三月六日欣頓首暮春感摧切割不能自勝當奈何奈何得去六日告深慰足下復何如脚中日勝也吾日弊難復令自顧憂歎情想轉積執筆增惋足下保愛書欲何言羊欣頓首

舊化閣帖三

羊玄保

玄保、太山南城人。晉安帝時，爲楚臺太常博士。遭母憂，服闋，何無忌諸葛長民俱版爲參軍，不就。除臨安令，尋爲武帝領軍參軍、庫部郎。永世令武帝爲太尉，復召爲參軍，轉主簿、丹陽丞。少帝時，入爲尚書右丞，轉左丞、司徒長史、黃門侍郎。文帝卽位，出爲宣城太守，尋爲廷尉，遷尚書吏部郎、御史中丞、衡陽王義季右軍長史、南東海太守，加輔國將軍，入爲都官尚書、左衛將軍，加給事中。丹陽尹、會稽太守、徙吳郡太守。元凶弒立，召爲吏部尚書，領國子祭酒，加光祿大夫。孝武卽位，召爲散騎常侍，領崇憲衛尉，遷金紫光祿大夫，進位光祿大夫，遷散騎常侍，特進。大明八年卒，年九十四。謚曰定。

陳吏民亡叛制

臣伏尋亡叛之由，皆出於窮逼，未有足召推存而樂爲此者也。今立殊制，於事爲苦。臣聞苦節不可貞，懼致流弊，昔冀遂警民於亂。

繩緩之然後可理黃霸曰寬和爲用不曰嚴刻爲先臣愚曰爲單
身逃役便爲盡戶今一人不測坐者甚多既憚重負各爲身計牽
挽逃竄必致繁滋又能禽獲叛身類非謹惜既無堪能坐陵勞吏
名器虛假所妨實多將階級不足供賞服勤無已自勸又尋此制
施一邦而已若其是邪則應與天下爲一若其非邪亦不宜獨行
一郡民離憂患其弊將甚臣忝守所職懼難遵用敢率管穴冒已
陳聞

宋書羊
玄保傳

羊希

希字泰間玄保兄子孝建初爲尚書左丞大明末爲始安王子
真征虜司馬黃門郎御史中丞泰始三年出爲寧朔將軍廣州
刺史降號橫野將軍爲其下晉康太守劉思道所殺贈輔國將
軍

奏劾謝沈

山陰令謝沈親憂未除常著青絳納兩襦請免沈前所居官

御覽六百

九十三引宋起居注太始二年御史中丞羊希奏

北征上計

呂今月十二日入泗口緣道把沙開溝呂夜繼日日才行十餘里或七八里

參陸澄皇弟休清殤服議

尋澄議既無畫然前列不合準據案禮云子不殤父臣不殤君君父至尊臣子恩重不得呂幼年而降又曰尊同則服其親服推此文旨旁親自宜服殤所不殤者唯施臣子而已

宋書禮志二通典八十二

刊革山澤舊科議

壬辰之制其禁嚴刻事既難遵理與時施而占山封水漸染復滋更相因仍便成先業一朝頓去易致嗟怨今更刊革立制五條凡是山澤先常煇燭種養竹木雜果爲林苑及陂湖江海魚梁鰓鰒

場常加功脩作者聽不追奪官品第一第二聽占山三頃第三第
四品二頃五十畝第五第六品二頃第七第八品一頃五十畝第
九品及百姓一頃皆依定格條上貲簿若先已占山不得更占先
占闕少依限占足若非前條舊業一不得禁有犯者水土一尺已
上並計贓依常盜律論停除咸康二年壬辰之科宋書羊玄保傳
云從之又南
史三十六
與孫詵書稱陸法真

足下同僚似有陸錄事者此生東南名地又張玄外孫持身至清
雅有志節年高官下秉操不寢計當日夕相與申意宋書良吏王
世吳郡陸法真歷官有清節嘗爲劉秀之安北
錄事參軍太山羊希與玄北咨議參軍孫詵書
劉少府

劉失其名字官少府案元嘉中有劉興祖由少府拜青州刺史
前廢帝紀有少府劉勝之南史作劉勝之
未知孰是

荅何衡陽書

敬覽高誥辭切證明所爲彼上人者難爲酬對者也然如來窮理盡性因感成教故五善思愆戒品爲之設六蔽待祛般若爲之照薰目十善淨目無漏畢竟解脫至菩提而已矣斯末之所目明而本之不昧者邪孔曰致孝爲務則仁被四海釋曰大慈爲首則化周五道導物之迹非乃冥邪但應有靈精終然自殊耳凡覽般若諸經不目無孔爲疑何獨誦上之書有見棄之言乎目龍鬼之陋尙感聖而至誘掖得信豈季俗而已哉足下據見在之教目詰三世之辨奢迂之怪固不待言若許因果不謬猶形之與影微要之効如合符也若日月之行幽明之信水火之降風雲之作皆先因而後果不出感召之道故緣起鑑能致水緣滅燧不招火一切諸法從緣起滅耳若鷲之就斃味登俎鼎燕之獲免無取鹽梅故鷲殺於人猶蟲死於燕鷲蟲見世受人燕未來報報由三業業有遲

疾若人入乎山梯揚於王庭君親無將將則必誅此見報之疾著乎視聽者也若忠爲令德剖心沈淵劫掠肆殺有幸而免此後報之遲疏而不失者也善惡之業業無不報但過去未來非耳目所得故信之者寡而非之者眾耳科法清淨滌塵開慧中國弗思謂爲陷阱非我無謀秦勿用也勸人爲善誠哉斯言然權者謂實非假設也故文王廢伯邑考而立武王權也周適非王發有天命禮是疏制理固從實伯邑廢立實也各從其實德用交歸自非大智孰能預之經云善權方便亦復如是耳夫民生而殺性之欲也飲血席毛在上皇之世矣聖人去殺非教殺也但民教未盡而化宜漸損雖將享三品尊薦厚賓然湯開其網孔鈞不網詩翼五犯禮弗身踐據茲而觀作者之心見矣今忍不食誠已慈之心若推不忍於視聽之表均不食於見聞之內其至矣哉其至矣哉祇藉來許申已管窺實相無言言成戲論既不自是想亦同非若高明之

營請俟諸君子

廣弘明集二十

何承天

承天東海鄒人徐廣姊子隆安末南蠻校尉桓偉引爲參軍尋解職義旗建長沙公陶延壽召爲輔國參軍除潯陽令尋還都撫軍劉毅鎮姑孰版行參軍出補宛陵令趙恢爲尋陽太守請爲司馬尋去職武帝爲太尉召爲參軍除太學博士徙世子征虜參軍轉西中郎中軍參軍錢唐令宋臺建召爲尚書祠部郎永初末補南臺治書侍御史謝晦鎮江陵請爲南蠻長史隨府轉衛軍諮議參軍領記室晦誅行南蠻府事尋爲到彥之右軍錄事入補尚書殿中郎兼左丞領國子博士遷御史中丞坐事白衣領職元嘉二十四年又坐宣漏密旨免官卒年七十八有禮論三百卷集三十二卷

木瓜賦

美中洲之嘉樹、表閭閻之麗姿、結靈根、已誕秀、傾朝日、已揚輝、挺叢柯之冉冉、布翠葉而蓁葳、惟茲木之在林、亦超類而獨徬、方朝華而繁實、比沙棠而有耀、當大厦之方隆、愧微幹之纖撓、豈隱樸已幸全、固呈才而不效、雖眾用而獲靈、永端已、已勵操、願佳人之子、投思同歸、已託好、願衛風之攸珍、雖瓊琚而匪報、載文類聚八十七御覽九

爲謝晦奉表自理

臣階緣幸會、蒙武皇帝殊常之眷、外聞政事、內謀帷幄、經綸夷險、毗贊王業、預佐命之勳、膺河山之賞、及先帝不豫、導揚末命、臣與故司徒臣羨之、左光祿大夫臣亮、征北將軍臣道濟等、並升御牀、跪受遺詔、載貽話言、託已後事、臣雖凡淺、感恩自厲、送往事居、誠貫幽顯、逮營陽失德、自絕宗廟、朝野岌岌、憂及禍難、忠謀協契、徇國忘己、援登聖朝、惟新皇祚、陛下馳傳乘流、曾不惟疑、臨朝殷勤、

增崇封爵。此則臣等赤心已亮於天鑒。遠近萬邦咸達於聖旨。若臣等志欲專權。不顧國典。便當協翼幼主。孤背天日。豈復虛館七。旬。仰望鸞旗者哉。故廬陵王於營陽之世。屢被猜嫌。積怨犯上。自貽非命。天祐明德。屬當昌運。不有所廢。將何召興。成人之美。春秋之高義。立帝清館。臣節之所司。耿弇不召賊。遺君父。臣亦何負於宋室邪。況毀結開牆。禍成畏逼。天下耳目。豈伊可誣。臣忝居蕃任。乃誠匪懈。爲政大小。必先啟聞。糾剔羣蠻。清夷境內。分畱弟姪。並侍殿省。陛下聿遵先志。申召婚姻。童稚之目。猥荷齒召。薦女遷子。合門相送。事君之道。義盡於斯。臣羨之。總錄百揆。翼亮三世。年耆乞退。屢抗表疏。優旨綢繆。未垂順許。臣亮管司喉舌。恪虔夙夜。恭謹一心。守死善道。此皆皇宋之宗臣。社稷之鎮衛。而讒人傾覆。妄生國釁。天威震怒。加召極刑。并及臣門。同被孥戮。雖未知臣道濟問。推理卽事。不容獨存。先帝願託元臣。翼命之佐。勦於佞邪之手。

忠貞匪躬之輔不免夷滅之誅陛下春秋方富始覽萬機民之情
偽未能鑒悉王弘兄弟輕躁昧進王華猜忌忍害規弄威權先除
執政日逞其欲天下之人知與不知孰不爲之痛心憤怨者哉臣
等見任先帝垂二十載小心謹慎無纖介之愆伏事甫余而嬰若
斯之罪若非先帝謬於知人則爲陛下未察愚款臣去歲末使反
得朝士及殿省諸將書竝言嫌隙已成必有今日之事臣推誠仰
期罔有二心不圖姦回潛邁理順難恃忠賢隕朝愚臣見襲到彥
之蕭欣等在近路昔白公稱亂諸梁嬰胄惡人在朝趙鞅入伐臣
義均休戚任居分陝豈可顛而不扶呂負先帝遺旨輒率將士繕
治舟甲須其自送投袂撲討若天祚大宋卜世靈長義師克振中
流清蕩便當浮舟東下戮此三豎申理冤恥謝罪闕庭雖伏鎖赴
鑊無恨於心伏願陛下遠尋永初託付之旨近存元嘉奉戴之誠
則微臣丹款猶有可察臨表哽慨言不自盡

宋書謝晦傳 案何承天傳云晦將見討

使承天造立表檄又案南史庾登之傳云承天
爲時作表當浮舟東下戮此三豎今表有此語
又爲謝晦上表

臣聞凶邪敗國先代成患讒豎亂朝異世齊禍故趙高矯逼秦氏
用傾董卓階亂漢祚伊覆雖哲王宰世大明照臨未能使其漸弗
興茲害不作姦臣王弘等竊弄權威興造禍亂遂與弟華内外影
響同惡相成忌害忠賢圖希非望故司徒臣羨之左光祿大夫臣
亮橫被酷害并及臣門雖未知征北將軍道濟存亡不容獨免遂
遣蕭欣到彥之等輕舟見襲姦僞之甚一至於斯羨之及亮或宿
德元臣姻婭皇極或任總文武位班三事道濟職惟上將扞城是
司皆受遇先朝棟梁一代臣昔因時幸遇蒙先眷內聞政事外經
戎旅與羨之亮等同被齒眈既經敗王基協濟大業爰自權輿暨
於捐讓誠積雖微仍見紀錄竝蒙丹書之誓各受山河之賞欲使
與宋升降傳之無窮及聖體不豫穆卜無吉召臣等四人同升御

狀、顧命領遺、委以家國、仰奉成旨、俯竭股肱、忠貞不效、期之曰死、但營陽恃德、自絕於天、社稷之危、憂在託付、不有所廢、將焉曰興、乃遠稽殷漢、用升聖德、陛下順流乘傳、不聽張武之疑、入即龍飛、非俟宋昌之識、斯乃主臣相信、天人合契、九五當陽、化形四海、漢之及亮、內贊皇猷、臣與道濟、分輸於外、普天之下、孰曰不宜、遂蒙寵授、來鎮此方、分畱弟姪、曰侍臺省、到任、曰來首尾三載、雖形在遠外、心係本朝、事無大小、動皆咨啟、八州之政、罔一專輒、尊上之心、足貫幽顯、陛下遠述先旨、申曰婚姻、大息世休、復蒙引召、是曰去年送女、遣兒、閭家俱下、血誠如此、未知所愧、而凶狡無端、妄生釁禍、羨之內誅、臣受外伐、願省諸懷、不識何辜、天聽遐邇、陳訴靡由、弘等既蒙寵任、得侍左右、自謂勢擅狐鼠、理隔熏掘、又曰陛下富於春秋、始覽政事、欲馮陵恩幸、闕望國權、親從磐時、規自封殖、不除臣等、罔得專權、所曰交結譏慝、成是亂階、又惟弘等所構、當

呂營陽爲言廬陵爲臯。又曰臣等位高功同。內外膠固。陛下信其厚貌。忘厥左道。三至下機。能不暫惑。伏自尋省。廢昏立明。事非爲己。廬陵之事。不由傷人。內積蕭牆之釁。外行叔段之罰。既制之有主。臣何預焉。然廬陵爲性輕險。梯順不足。武皇臨崩。亦有口詔。比雖發自營陽。實非國禍。至於羨之亮等。周旋同體。心腹內外。政欲戮力皇家。盡忠報主。若令臣等頗欲執權。不專爲國。初廢營陽。陛下在遠。武皇之子。尙有童幼。擁呂號令。誰敢非之。而泝流三千。虛館三月。奉迎鑾駕。曰遵下武。血心若斯。易爲可鑒。且臣等奉事先朝。十有七年。竝居顯要。世稱恭謹。不圖一旦。致茲釁罰。夫周公大賢。尙有流言之謗。伯奇至孝。不免譖愬之禍。慈父非無情於仁子。明君豈有志於貞臣。姦慝所移。勢回山岳。況乃精誠微淺。而望求信者哉。詩不云乎。讒人罔極。交亂四國。愷悌君子。無信讒言。陛下躬覽篇籍。研覈是非。釁兆之萌。宜應深察。臣竊懼王室小有皇甫。

之忠、大有問樂之禍、夙夜殷憂、若無首領、夫周道浸微、桓文稱伐、君側亂國、趙鞅人誅、況今凶禍滔天、辰極危逼、台輔孱戮、岳牧傾陷、臣才非絳族、安漢是職、人愧博陸、廟奉遺旨、國難既深、家痛亦切、輒簡徒結甲、軍次巴陵、蕭欣窘懾、望風奔避、臣誠知劣在國忘身、仰憑社稷之靈、俯厲義勇之氣、將長驅電埽、直入石頭、梟剪元凶、誅夷首惡、弔二公之冤魂、寫私門之禍痛、然後分歸司寇、甘赴鼎鑊、雖死之日、猶生之年、伏惟陛下德合乾元、道侔玄極、鑒凶禍之無端、察貞亮之有本、回日月之照、發霜雷之威、梟四凶於廟庭、懸三監於絳闕、申二台之匪辜、明兩蕃之無罪、上謝祖宗、下告百姓、遣一乘之使、賜咫尺之書、臣便勒眾旋旗、還保所任、須次近路、尋復表聞、

宋書謝晦傳

上元嘉麻表

臣授性頑惰、少所關解、自昔幼年、頗好麻數、耽情注意、迄於白首、

臣亡舅故祕書監徐廣素善其事有既往七曜麻每記其得失自
太和至泰元之末四十許年臣因比歲攷校至今又四十載故其
疏密差會皆可知也夫圓極常動七曜運行離合去來雖有定勢
日新故相涉自然有毫末之差連日累歲積微成著是日虞書著
欽若之典周易明治麻之訓言當順天日求合非爲合日驗天也
漢代雜候清臺日昏明中星課日所在雖不可見月盈則蝕必當
其衝日月推日則躔次可知焉捨易而不爲役心於難事此臣所
不解也堯典云日永星火日正仲夏今季夏則火中又宵中星虛
日殷仲秋今季秋則虛中爾來二千七百餘年日中星檢之所差
二十七八度則堯冬令至日在須女十度左右也漢之太初麻冬
至在牽牛初後漢四分及魏景初法同在斗二十一臣日月蝕檢
之則景初今之冬至應在斗十七又史官受詔日土圭測景攷校
二至差三日有餘從來積歲及交州所上檢其增減亦相符驗然

則今之二至非天之二至也。天之南日在斗十三四矣。此則十九年七閏數微多差。復改法易章。則用算滋繁。宜當隨時遷革。曰取其合。案後漢志。春分日長秋分日短。差過半刻。尋二分在二至之間。而有長短。因識春分近夏至故長。秋分近冬至故短也。楊偉不悟。卽用之上厯表云。自古來及今。凡諸厯數。皆未能竝已之妙。何此不曉。亦何曰云。是故臣更建元嘉厯。曰六百八爲一紀。半之爲度法。七十五爲室分。曰建寅之月爲歲首。雨水爲氣初。曰諸法閏餘一之歲爲章首。冬至從上三日五時。日之所在移舊四度。又月有遲疾。合朔月蝕不在朔望。亦非厯意也。故元嘉皆曰盈縮。定其小餘。曰正朔望之日。伏惟陛下允迪聖哲。先天不違。勛勞庶政。寅亮鴻業。究淵思於往籍。採妙旨於未聞。窮神知化。罔不該覽。是曰愚臣欣遇盛明。効其管穴。伏願曰臣所上元嘉法。下史官攷其疏密。若謬有可採。庶或補正。闕謬曰倚萬分。

宋書厯志上太子率更何承天私撰新法元嘉

二十年上表
詔付外詳議

奏改漏刻箭

尙書今既改用元嘉厯漏刻與先不同宜應改革案景初厯春分日長秋分日短相承所用漏刻冬至後晝漏率長於冬至前且長短增減進退無漸非唯先法不精亦各傳寫謬誤今二至二分各據其正則至之前後無復差異更增損舊刻參日晷影刪定爲經改用二十五箭請臺勒漏刻將改驗施用

宋書厯志下

奏劾博士顧雅等

尙書刺海鹽公主所生母蔣美人喪海鹽公主先離婚今應成服撰儀注參詳宜下二學禮官博士議公主所服輕重太學博士顧雅議今既成用士禮便宜同齊衰制杖布帶疏履并禮畢心喪三年博士周野王議又云今諸王公主成用士禮譙王衡陽王爲所生太妃皆居重服則公主情理亦宜家中替服爲允其博士庾邃

之顏淵房明王淵之四人同雅議何悞王羅雲二人同野王議如
所上臺案今之諸王雖行士禮是施於傍親及自己呂下至於爲
帝王所厭猶一依古典又永初三年九月符脩儀亡廣德三主呂
餘尊所厭猶服大功海鹽公上體自宸極當上厭至尊豈得遂服
臺據經傳正文并引事例依源責失而博士顧雅周野王等捍不
肯愴方稱自有宋呂來皇子蕃王皆無厭降同之士禮著於故事
總功之服不廢於末戚顧獨貶於所生是申其所輕奪其所重奪
其所重豈緣情之謂臺伏尋聖朝受終於晉凡所施行莫不上稽
禮文兼用晉事又太元中晉恭帝時爲皇子服其所生陳氏練冠
縗緣此則前代施行故事謹依禮文者也又廣德三公主爲所生
母符脩儀服大功此先君餘尊之所廢者也元嘉十三年第七皇
子不服曹婕妤止於麻衣此厭乎至尊者也博士既不據古又不
依今肯違施行見事而多作浮辭自衛乃云五帝之時三王之季

又言長子去斬衰除醴杖皆是古禮不少今世博士雖復引此諸條無救於失又詰臺云藩國得遂其私情此義出何經記臣案南譙衡陽太妃竝受朝命爲國小君是日二王得遂其服豈可爲美人比似尋爲蕃王得遂者聖朝之所許也皇子公主不得申者由有厭而然也臺登重更責失制不得過十日而復不訓荅旣被擢攝二三日甫輸怙辭雖理屈事窮猶聞義恥服臣聞喪紀有制禮之大經降殺攸宜國家舊典古之諸侯眾子猶曰尊厭況在王室而欲同之士庶此之僻謬不俟言而顯太常統寺曾不研卻所謂同乎失者亦未得之宜加裁正弘明國典謹案大學博士顧雅國子助教周野王博士王羅雲顏測殷明何懷王淵之前博士遷員外散騎侍郎顧遠之等咸蒙抽飾備位前疑旣不謹守舊文又不審據前準遂上背經典下違故事率意妄作自造禮章太常臣敬叔位居宗伯問禮所司騰述往反了無研卻混同茲失亦宜及咎

請曰見事竝免今所居官解野王領國子助教雅野王初立議乖舛中執擇愆失未達十日之限雖起一事合成三愆羅雲掌押捍失三人加禁固五年

宋書贈志二兄嘉二十三年七月白衣領御史中丞何承天奏

陳滿事議

獄貴情斷疑則從輕昔有驚漢文帝乘輿馬者張釋之劾曰犯罪止罰金何者明其無心於驚馬也故不巳乘輿之重加已異制今滿意在射鳥非有心於中人案律誤過傷人三歲刑況不傷乎微罰可也

宋書何承天傳南史三十三通典一百六十六義熙中劉毅鎮姑孰常出行而隱陵縣吏陳滿射鳥箭誤中直

師雖不傷人處法棄市何承天議

尹嘉罪議

彼府宣令普議尹嘉大辟事稱法吏葛騰箴母告子不孝欲殺者許之法云謂違犯敕令敬恭有版父母欲殺皆許之其所告惟取信於所求而許之謹尋事原心嘉母辭自求質錢爲子還責嘉雖

虧犯教義而能無請殺之辭能求所已生之而今殺之非隨所求
之謂始已不孝爲劾終於和賣結刑倚旁兩端母子俱罪滕簽法
文爲非其條嘉所存者大理在難申但明教爰發矜其愚蔽夫明
德愼罰文王所已恤下議獄緩死中孚所已垂化言情則母爲子
隱語敬則禮所不及今捨乞宥之評依請殺之條責敬恭之節於
飢寒之隸誠非罰疑從輕寧失有罪之謂也愚已謂降嘉之死已
普春澤之恩赦熊之愆已明子隱之宜則蒲亭雖陋可比德於盛
明豚魚微物不獨遺於今化宋書何承天傳永初末有尹嘉者家
貧母熊自以身助錢爲嘉償責坐不
議值赦免

薄道舉事議

尋劫制同籍周親補兵大功不在此例婦人三從既嫁從夫夫死
從子今道舉爲劫若其叔父尙在制應補諡妻子營居固其宜也
但爲劫之時叔父已歿代公道生荒是從弟大功之親不合補諡

今告呂叔母爲恭親合代公隨母補兵既達大功不謫之制又失婦人三從之道由於主者守恭親之文不辨男女之異遠嫌畏負呂生此疑懼非聖朝恤刑之旨謂代公等母子竝宜見原

宋書何承天傳

南史三十三通典一百六十七

奏事官名議

既沒之名不合奏者非有它義正嫌於近不祥耳奏事一卻動經歲時盛明之世事從簡易曲嫌細忌皆應蕩除

宋書何承天傳故司徒掾孔邈奏事

未御選已喪殯議者謂不宜仍用邈名更見官奏之承天又議

人喪不葬議

禮所云還葬當謂荒儉一時故許其稱財而不求備丁況三家數十年中葬輒無棺槨實由淺情薄恩同於禽獸者耳竊居爲下寶等同伍積年未嘗勸之已義繩之已法十六年冬既無新科又未申明舊制有何嚴切歟然相糾或由鄰曲分爭呂興此言如聞在

東諸處比例既多。江西淮北尤爲不少。若但適此三人。殆無整肅。開其一端。則互相恐動。里伍縣司。競爲姦利。財賄既逞。獄訟必繁。擢虧聖明烹鮮之美。臣愚謂況等三家。且可勿問。因此附定制。每若民人葬不如法。同伍當卽糾言。三年除服之後。不得追相告列。於事爲宜。宋書何承天傳時丹陽丁況等久喪不葬承天議

立三百六十律法制議

上下相生三分損益其一。蓋是古人簡易之法。猶如古麻。周天三百六十五度四分之一。後人改制皆不同焉。而京房不恆。謬爲六十。承天更設新率。則從中呂。還得黃鍾十二旋宮。聲韻無失。黃鍾長九寸。大族長八寸二釐。林鍾長六寸一釐。應鍾長四寸七分九釐。強其中呂上生所益之分。還得十七萬七千一百四十七。復十二辰參之數。隋書律麻志上

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷二十二終

全宋文卷二十三

烏程嚴可均校輯

何承天

與宗居士書論釋慧琳白黑論

即均善論

近得賢從中郎書說足下勤西方方法事賢者志其大豈曰萬劫爲奢但恨短生無日測冥靈耳治城慧琳道人作白黑論乃爲眾僧所排擯賴蒙值明主善教得免波羅夷耳既作比丘乃不應明此白徒亦何爲不言足下試尋二家誰爲長者吾甚昧然望有已佳

悟何承天白

弘明集三

荅宗居士書

釋均善難

何承天口前送均善論並諮求雅旨來荅周至及曰爲茲理興喪宜明不可但處曰可否之間吾雖不能一切依附亦不甚執偏見但求夜光於巨海正自未得耳曰爲佛經者善九流之別家雜曰

案弘明集
羅帳作寶
積

道墨慈悲愛施與中國不異。大人君子仁爲己任。心無憶念。且已形像彩飾。將詣常人耳目。其爲廢損尙微。其所弘益或著。是已兼而存之。至於好事者。遂已爲超。孔越老唯此爲貴。斯未能求立言之本。而眩惑於末說者也。知其言者。當俟忘言之人。若唯取信天堂地獄之應。因緣不滅之驗。抑情菲食。盡勤禮拜。庶幾廢羅帳之蓋。升彌鐙之座。消于生所。已大謬也。論云。眾聖老莊皆云。有神明復何已。斷其不如佛言。答曰。明有禮樂。幽有鬼神。聖王所已爲。故初不昧其有也。若果有來生報應。周孔當當織織而無片言邪。若夫嬰兒之臨坑。凡人爲之駭懼。聖者豈獨不仁哉。又云。人形至穢。人神實妙。已形從神。豈得齊終。答曰。形神相資。古人譬已薪火。薪弊火微。薪盡火滅。雖有其妙。豈能獨存。又云。心之所感。崩城隕露。白虹貫日。太白入坼。氣禁之醫。冷煖輒應。專誠妙感。已受身更生。七寶之土。何爲不可哉。答曰。崩城隕露。貫日入坼。不明來生之譬。

非今論所宜引也。又見水火之禁。冀其能生七寶之鄉。猶觀大冶銷金。冀其能自陶鑄。終不能亦可知也。又曰有諦無諦。此唱居然甚安。自古千變萬化。有俄然皆已空矣。當其盛有之時。豈不常有必空之實。愚者不知其理。唯見其有。答曰。如論云。當其盛有之時。已有必空之實。然則卽物常空。空物爲一矣。今空有未殊。而賢愚異稱。何哉。昔之所謂道者。於形爲無形。於事爲無事。恬漠沖粹。養志怡神。豈獨愛欲未除。宿緣是畏。唯見其有。豈復是過。曰。此嗤齊侯猶五十步笑百步耳。又云。舟壑潛謝。佛經所謂見在不住。誠能明之。則物我常虛。答曰。潛謝不住。豈非自生入死。自有入無之謂乎。故其言曰。有駭形而無損心。有旦宅而無憤死。賈生亦云。化爲異物。又何足患。此達乎死生之變者也。而區區去就在生慮死。心繫無量。志生天堂。吾黨之常虛。異於是焉。又云。神光靈變。及無量之壽。皆由誠信幽奇。故映其明。今沒於邪見。理固天隔。答曰。今亦

疫當作
役

不從慢化者求其光明但求之於誠信者耳尋釋迦之教曰善權
救物若果應驗若斯何爲不見其靈變曰曉邪見之徒豈獨不愛
數十百萬之說而吝俄頃神光徒爲化聲之辯竟無明於眞智終
年疲疫而不知所歸豈不哀哉又云內懷虔仰故禮拜悔罪達夫
無常故情無所吝委妻子而爲施豈不邀於百倍荅曰繁巧曰興
事未若除貪欲而息競遵戒曰洗悔未若翦榮蕞曰全朴況乃誘
所尙曰祈利忘天屬曰要譽謂之無邀吾不信也又云泥洹曰無
樂爲樂法身曰無身爲身若誠能餐仰則耽逸稍除獲利於無利
矣荅曰泥洹曰離苦爲樂法身曰接苦爲身所曰使餐仰之徒不
能自絕耳果歸於無利勤者何獲而云獲於無利邪此乃形神俱
盡之證恐非雅論所應明言也又云欲此道者可謂有欲於無欲
矣至若啟導嚴近者有影響之實亦猶于公曰仁活致封嚴氏曰
好殺致誅厲妙行曰希天堂謹五戒曰遠地獄雖有欲於可欲實

踐日損之塗。此亦西行而求郢。何患其不至。荅曰。謂廬近爲啟導。比報應於影響。不亦善乎。但影響所因。必稱形聲。尋常之形。安得八萬由旬之影乎。所滯若有欲於無欲。猶是常滯於所欲。夫耳目殊司。工藝異業。末技所存。虛信不竝。是呂金石克諧。泰山不能呈其高。鴻鵠方集。冥秋不能傳其旨。而欲呂有欲成無欲。希望就日損。雖云西行。去郢茲遠。如之何。又云。若身死神滅。是物之眞性。但當與周孔並力。致教何爲。誑曰。不滅。欺呂佛理。使燒祝髮膚。絕其脾合。呂傷盡性之美。荅曰。華戎自有不同。何者。中國之人。稟氣清和。含仁抱義。故周孔明性習之教。外國之徒。受性剛強。貪欲忿戾。故釋氏嚴五戒之科。來論所謂聖無常心。就物之性者也。懲暴之戒。莫若乎地獄。誘善之勸。莫美乎天堂。將盡殘害之根。非中庸之謂。周孔則不然。順其天性。去其甚泰。姪盜著於五刑。酒辜明於周誥。春田不聞澤。見生不忍死。五犯三驅。鈞而不網。是呂仁愛普洽。

作舍

澤及純魚嘉禮有常俎老者得食肉春耕秋收蠶織日時三靈格思百神咸秩方彼之所爲者豈不弘哉又甄供灌之賞嚴疑法之罰述補宰之間爲勸化之本演焄蒿之答明來生之驗袈服肝衛而矜斯說者其處心亦悍矣論又稱耆阇尸梨之屬神理風操不在琳比丘後足下旣明常人不能料度近事今何已了其勝否於百年之前數千里之外邪若琳比丘者僧貌而天虛似夫深識眞僞殊不肖忌經護師崇飾巧說吾已是敬之孫興公論云竺法護之淵達于法蘭之純博足下欲比中土何士也及楚英之脩仁寺峯融之興行儺寧復有清真風操乎昔在東邑有道舍沙門自吳中來深見勸譬甚有懇誠因留三宿相爲說練形澄神之緣罪福起滅之驗皆有條貫吾拱聽謠言申旦忘寢退已爲士所已立身揚名著信行道者實賴周孔之教子路稱聞之而未之能行唯恐有聞吾所行者多矣何據捨此而務彼又諄稱情立文之制知來

當作常

生之爲蒼究終身不已之哀悟受形之難再稱聖人我師周公豈欺我哉緣足下情篤故具陳始末想耆舊大程誨人不倦於此未默目前已遺取明佛論進時至冀或朗然於心何承天白

弘明集三

答宗居士書

重告並省大論置陣如項籍既是下已賤漢祖況弱士乎證譬堅明文詞淵富誠欲廣其利澤施及凡民深知君子之用心也足下方欲影響曰神其教故宜緘默成人之美但當謂外國之事或非中華所務是已有前言耳果今中外宜同余則陋矣敢謝不敏雖然猶有所懷夫明天地之性者不致惑於迂怪識盛衰之運者不役心於理表儻令雅論不因善權篤謬皆由情發豈非通人之蔽哉未緣言對聊以代面何承天白

弘明集三

答顏光祿

敬覽芳訊研復淵旨區別三才步驗精粹宣寅道心褒賞施士貴

問作問

全宋文卷二十三

仙學

四

万字衍

綜幽明推誠及物行之於已則美敷之於教則弘殆無所聞退尋
嘉誨之來將欲令參觀斗極復迷反逕思或昧然未全曉洽故復
重申本懷足下所謂共成三才者是必合德之稱上哲之人亦何
爲其然夫立人之道取諸仁義惻隱爲仁者之表恥惡爲義心之
端牛山之木剪性於鑿斧恬漠之想汨慮於利害誠宜滋其萌蘖
援其善心遂乃存而不算得無過與又云識三才者無取於氓隸
言眾生者亦何濫於聖賢既已開命猶未知二塗當曰何爲判將
伊顏下麗靈喬札上附企望不倦曰祗未了必令兩籍俱舉宮和
符合豈不盡善又曰大德曰生有萬之所同同於所方萬豈得生
之可異非謂不然人生雖均破大德不可謂之眾生譬聖人雖同
稟五常不可謂之眾人奚取於不肖之生必宜爲眾哉來告云人
則役物已爲養物則見役已養人大判如此便是顧同鄙議至於
情嗜不禁害生慘物所謂甚者泰者聖人固已去之又云曰道爲

心者或不劑此而止。請問不止者。將自己不殺邪。合受殺威同邪。若自己不殺。取足市鄭。故是遠庖廚意。必欲推之於編戶。吾見雅論之不可立矣。又云。若同草木。便當煙盡。精靈在天。將何憑。言士夫神鬼惚恍。遊魂爲變。發揚悽愴。亦於何不之。仲山屈於知死。賜也失於所問。不更受形。前論之所明言。所憑之方。請附夫子之對。及施報之道。必然之符。當謂于氏高門。俟積善之慶。博陽不伐。府公侯之祚。何關於後身乎。又云。經世恆談。施者勿憶。士子服義。惠而弗有。誠哉斯言。微恨設報已要惠。說徒之所先。悅報而爲惠。舉世之常務。疑經受累劫之罪。勤施獲積倍之報。不似吾黨之爲道者。是言快快耳。知欲引之上濟。亦甚所不惜。但丈夫處實者。頗陋前識之華。故不爲也。若乃施非周急。惠存功譽。揆諸高明。亦有恥乎。此吾率其恆心。久而不化。內慚璩子。未暇有所謂也。何承天白。

弘明
集四

重荅顏光祿

融當作
翊

蓄作君
計作許

取當作

吾少信管見老而彌篤既言之難云將潭腐方寸故願憑流覬已
託鱗融厚故意垂懷惠已重釋稽證周明華辭博瞻夫良玉時玷
賤夫指其瑕望舒抱魄野人睨其缺豈伊好辨未獲云已復進請
益之間庶已研盡所滯來告云三才之論故當本諸三畫三畫既
陳中稱君德所召神致太上崇一元首若如論旨已三畫爲三才
則初擬地父三議天位然而遞世無悶非厚載之目君子乾乾非
蒼蒼之稱果兩儀罔託亦何取於立人但父在中和宜應蓄德耳
又云惻隱窮博愛之量恥惡盡貼直之方則爲上仁上義便是計
體仁義者爲三才尋又云喬札未獲上附尹顏宜其下歷則黃裳
之人其猶弗及雖隕之旨高下無準故惑者未悟也夫陰陽陶氣
剛柔賦性圓首方足容貌匪殊剛隱恥惡悠悠皆是但參體二儀
必舉仁義爲端取知欲限召名器慎其所假遂令惠人潔士比性

生下於
本當作
本於

於毛羣庶幾之賢同氣於介族立象之意豈其然哉又云已均被
同眾復何諱眾同故當殊其特靈不應異其得生夫特靈之神既異
於眾得生之理何嘗暫同生於本理而理異焉同眾之生名將安
附若執此生名必使從眾則混成之物亦將在例邪又云謹爲垣
防猶患踰盜況乃罔不設備已充侈志方開所泰何議去甚足下
始云皇聖設俸物之教謹順時之經將已反漸息泰今復已方開
所泰爲難未詳此將難鄙議將譏聖人也又云市庖之外豈無御
養神農所書中散所述何必已刳劊爲稟和爛淪爲翼善夫腫瘞
藹栗宗社三牲饒腳豆俎已供賓客七十之老俟肉而飽豈得唯
陳列草石取備上簌而已吾所愛不立者非謂洪論難持退嫌此
事不可頓去於世耳又云天下寧有無形之有顧此唯疑宜見正
定尋來旨似不嫌有鬼當謂鬼宜有質得無惑天竺之書說鬼別
爲生類故邪昔人曰鬼神爲教乃列於典經布在方策鄭喬吳札

亦曰爲然。是曰雲和六變。實降天神。龍門九成。人鬼咸格。足下雅秉周禮。近忽此義。方詰無形之有。爲支離之辯乎。又云。後身著戒。可不敬與。慈護之人。深見此數。未詳所謂慈護者。誰氏之子。若據外書報應之說。皆吾所謂權教者耳。凡講求至理。曾不析曰聖言多採謫怪。曰相扶翼。得無似曰水濟水邪。又云。物無妄然。必曰類感。常善曰救。善亦從之。勢猶影表。不慮自來。斯言果然。則類感之物。輕重必侔。影表之勢。脩短有度。致飾土木。不發慈愍之心。順時蒐狩。未根慘虐之性。天宮華樂。焉賞而上升。地獄幽苦。奚罰而淪陷。唱言窮軒輊。立法無衡石。一至於此。且阿保傳愛。慎及涸腴。良庖提刀。情狀介族。彼聖人者。明竝日月。化關三統。若令報應必符。亦何妨於教。而緘局義唐之紀。埋閉周孔之世。肇結網罟。興累億之罪。仍制牲牢。開長夜之罰。遣彼天廚。甘此芻豢。曾無拯溺之仁。橫成納隍之酷。其爲不然。宜簡淵慮。若謂窮神之智。猶有所不盡。

（作仁）

雖高情愛奇想亦未至於侮聖也。足下論仁義則云情之者少利之者多。言施惠則許其遺賢忘報。在情既少孰能遺賢利之者多。呂云忘報若能推樂施之士。呂則欲人之嗜。演忘報之意引向義之心。則義實在斯。求仁不遠。至於濟有生之類。人無死之地。慶周兆物尊冠百神。斯旨弘誕。非本論所及。無乃秦師將進。行人言肆乎。豈其相迫。居吾語子。聖人在上。不與百神爭長。有始有卒。焉得無死之地。夫辯章幽明。研精庶物。反初結繩。終繁文歟。性曰道率。故絕親譽之名。範圍造化。無傷博愛之量。曰收曰漁。養兼賢鄙。三品之獲。實充賓庖。金石發華。笙簧協節。醉酒飽德。介茲萬年。處者弘日新之業。仕者收先王之敘。誠著明君澤被萬物。龍章表觀。鳴玉節趨。斯亦堯孔之樂地也。及其不遇。考槃阿淵。已善其身。殺雞爲黍。聊寄懷抱。或負鼎烹揚。降名於長世。或屠羊鼓刀。陵高志於浮雲。此又君子之處心也。何必陋積善之延祚。希無驗於來世。生

背當年之眞懼徒疲役而靡歸繫風捕影非中庸之美慕夷眩妖
違通人之致踴膜捐讓終不竝立竊願吾子捨兼而遵一也及蜀
梁二叔甘人驛胥之譬非本義所斷故不復具云

引明
集四

爲謝晦繳京邑

王室多故禍難荐臻營陽失德自絕宗廟盧陵王構閭有本屢被
猜嫌且居喪失禮遐邇所具積怨犯上自貽非道羣后釋位爰登
聖明亂之未乂職有所係案車騎大將軍王弘侍中王曇首謬蒙
時私叨竊權要引於永初之始實荷不世之恩元嘉之讓自謂任
遇浮淺進誣先皇委誠之寄退長嫌隙異同之端曇首往因使下
誡旨今上起居不能光揚令德彰於朝聽其言多誣故不具說王
華賊亡之餘賞擢之次先帝常見訪逮庶有一分可取而華稟性
凶猜多所忍害曩者縱人入城託疾辭事此都士庶咸所聞知已
其所啟及上手答示宗叔獻又令宣告徐傅二公及周糾使下又

令見容云欲自撓政事求離任還都竝令曇首具述此意又惠觀道人說外人告華反劉彥之謀反不謂無之域內東將數日之內操戈相待華說數爲秋當所譜常不自安凡此諸事豈有忠誠冥契若此者邪自父亡道側情事異人外絕酒醴而宵飲是志朗貌口口口口口口凡厥士庶誰不側目又常歎宰相頓有數人是何憤憤規總威權不顧國典保祐皇家者懼屠戮之誅效勤社稷者致殲夷之禍搢紳之徒孰不憤慨遂矯違詔旨遣劉彥之蕭欣之輕舟見襲即日監利左尉露檄眾軍已至揚子雖已不武忝荷蕃任國家艱難悲憤兼集若使小人得志君子道消凡百有殄瘁之哀蒼生深橫流之懼輒糾勒義徒繕治舟甲舳艫互川駟介蔽野武夫驚勇人百其誠今遣南蠻司馬靈遠將軍庾登之統參軍事建武將軍建平太守安泰宣威將軍昭弘宗參軍事宣威將軍王紹之等精銳一萬前鋒致討南蠻參軍振武將軍魏像統參軍

事宣威將軍陳珍、虎旅二千、參軍事建威將軍新興太守賀惟甲、卒三千、相係取道南蠻、參軍振威將軍郭卓、鐵騎二千、水步齊舉、大軍三萬、駉驛電邁、行冠軍將軍竟陵內史河東太守謝遜、建威將軍南平太守謝世猷、驍勇一萬、畱守江陵、分命參軍長寧太守竇應期、步騎五千、直出義陽、司馬建威將軍行南義陽太守周超、之統軍司馬振武將軍胡崇之、精悍一萬、北出高陽、長兼行參軍寧遠將軍朱澹之、步騎五千、西出雁塞、同討劉粹、竝趨襄陽、奇兵尙速、指景齊奮、諸賢竝同國恩、情兼義烈、今誠志士忘身之日、義夫著績之秋、見機而動、望風而不待勅、宋書謝晦傳案何承天造

立表
檄

賜進士出身三品銜廣東等處提刑按察使司按察使兼管驛傳事務黃岡王毓藻校刊

全宋文卷二十三終

全宋文卷二十四

烏程嚴可均校輯

何承天三

報應問

西方說報應其枝末雖明而卽本常昧其言奢而寡要其譬迂而無徵乖背五經故見弃於先聖誘掖近情故得信於季俗夫欲知日月之行故假察於璇璣將申幽明之信宜取符於見事故鑑燧懸而水火降雨宿離而風雲作斯皆遠由近驗幽已顯著者也夫鵠之爲禽浮清池咀春草眾生蠢動弗之犯也而庖人執焉黜有得免刀俎者燕飜翔求食唯飛蟲是甘而人皆愛之雖巢幕而不懼非直鵠燕也羣生萬有往往如之是知殺生者無惡報爲福者無善應所已爲訓者如彼所已示世者如此余甚惑之若謂燕非蟲不甘故罪所不及民食芻豢奚獨嬰辜若謂禽豕無知而人識

經教斯則未有經教之時。敗漁網罟亦無罪也。無故曰科法入中國。乃所已爲民陷罪也。彼仁人者。豈其然哉。故余謂佛經。但是假設權教。勸人爲善耳。無關實教。是已聖人作制。推德翳物。我將我享。實膺天祐。田獲三品。賓庖豫焉。若乃見生不忍死。聞聲不食肉。固君子之所務也。竊願高明。更加三思。廣弘明集二十

荅向歆問祖無服。父有服嫁孫女。

向歆問何承天曰。父有伯母慘女服小功。祖尊統一家。年未可得嫁。孫女不何荅曰。吾謂祖爲婚主。女身又小功服。不嫌於婚。鄭尙書曰。祖爲婚主。女父不與婚事。意謂可婚。周續之曰。禮已雖小功。可已冠娶妻。則女身雖有服。謂出門無嫌也。伯母義服。而祖爲家主。于禮可通。徐野民曰。禮許變通。記所稱父大功者。當非有祖之家。又公羊傳云。不己父命。辭王父命。推附名例。義在尊無二上。容或可通理邪。通典六十

荅江氏問次孫持重

江氏問甲兒先亡甲後亡甲嫡孫傳重未及中祥嫡孫又亡有次孫今當應服三年不何承天荅曰甲既有孫不得無服三年者謂次孫宜持重也但次孫先已制齊縗今得便易服當須中祥乃服練居堊室耳昔有問范宣云人有二兒大兒無子小兒有子疑於傳重宣荅小兒之子應服三年亦粗可依通典八十八

通裴難荀論大功嫁妹

婚禮吉而非樂貴不失時元康中有犯喪者爲憲司所糾都無降服大功嫁女之彈彼豈輕犯周制重犯功服邪固於禮自通不應致譏耳足下謂下殤小功不可娶足已包降在大功不可嫁夫微樂興嗣親之感繼燭發離別之悲唱行重於和從受禮輕於納聘既有一等之差本服周者雖不得娶何嫌得嫁邪若本降爲大功不可嫁者大功降爲小功亦不可娶豈獨下殤小功而已乎斯不

然矣

通典
六十

渾天象論

詳尋前說因觀渾儀研求其意有曰悟天形正圓而水居其半地
中高外卑水周其下言四方者東曰暘谷日之所出西曰濛汜日
之所入莊子又云北溟有魚化而爲鳥將徙於南溟斯亦古之遺
記四方皆水證也四方皆水謂之四海凡五行相生水生於金是
故百川發源皆自山出由高趣下歸注於海日爲陽精光耀炎熾
一夜入水所經焦竭百川歸注是已相補故旱不爲減浸不爲益
徑天之數蕃說得之

宋書天文志一隋書天文志上開元占經

周天三百六十五度三百四分之七十五天常西轉一日一夜過
周一度南北二極相去一百一十六度三百四分度之六十五彊
卽天徑也黃道褰帶赤道春分交於奎七度秋分交於軫十五度
冬至斗十四度半彊夏至井十六度半從北極挾天而南五十五

度輻則居天四維之中最高處也。即天頂也。其下則地中也。天文

志上開元

占經一

安邊論

行上表

伏見北蕃上事虜犯青兗。天慈降鑑。矜此黎元。博遣羣策。經綸戎政。臣已愚陋。預聞訪及。竊尋獫狁告難。爰自上古。有周之盛。南仲出車。漢氏方隆。衛霍宣力。雖飲馬瀚海。揚旆祁連。事難役繁。天下騷動。委興負海。貲及舟車。凶狡倔強。未肯受弱。得失報復。裁不相補。宣帝末年。值其乖亂。推亡固存。始獲稽服。自晉喪中原。戎狄侵擾。百餘年間。未暇目北虜爲念。大宋啟阡。兩耀靈武。而懷德畏威。用自款納。陛下臨御。日來羈縻。遵養十餘年中。貢譯不絕。去歲三王出鎮。思振遠圖。獸心易駭。遂生猜懼。背違信約。深構攜隙。貪禍恣毒。無因自反。恐烽燧之警。必自此始。臣素庸懦。才不經武。率其管窺。謹撰安邊論。意及淺末。懼無可採。若得詢之朝列。辨覈同異。

庶或開引羣心研盡眾謀短長畢陳當否可見其論曰

漢世言備匈奴之策不過二科武夫盡征伐之謀儒生講和親之約課其所言互有遠志加塞漠之外胡敵掣肘必未能摧鋒引日規自開張當由往年冀土之民附化者眾二州臨境三王出藩經略既張宏圖將舉士女延望華夷慕義故昧於小利且自矜侈外示餘力內堅偽眾今若務存遵養許其自新雖未可羈致北闕猶足鎮靜邊境然和親事重當盡廟筭誠非愚短所能究言若追蹤衛霍瀚海之志時事不等致功亦殊寇雖習戰未久又全據燕趙跨帶秦魏山河之險終古如一自非大田淮泗內實青徐使民有贏儲野有積穀然後分命方召總率虎旅精卒十萬使一舉盪夷則不足稍勤王師已勞天下何日言之今遺黎習亂志在偷安非皆恥爲左衽遠慕冠冕徒已殘害剝辱視息無寄故繼負歸國先後相尋虜旣不能校勝循理攻城略地而輕兵掩襲急在擊殘是

案宋書
作祖中
通典作
沮中

其所已速怨召禍滅亡之日今若遣軍追討報其侵暴大剪幽薶
屠城破邑則聖朝愛育黎元方濟之已道若但欲撫其歸附伐罪
弔民則駿馬奔走不肯來征往興巨費無掛於彼復奇兵深入殺
敵破軍苟陵思未盡則困獸思鬪報復之役將遂無已斯秦漢之
末策輪臺之所悔也安邊固守於計爲長臣已安邊之計備在史
策李牧言其端嚴尤申其要大略舉矣曹孫之霸才均智敵江淮
之間不居名通典作者數百里魏捨合肥退保新城吳城江陵移民南
溪濡須之戍家停羨溪及夷陵通典作者之屯民夷散雜通典作者民
晉宣王已爲宜徙河南已實水北曹爽不許果亡祖中此皆前代
之殷鑒也何者斥埃之郊非畜牧之所轉戰之地非耕桑之邑故
堅壁清野已禦其來整甲繕兵已乘其敝雖時有通否而勢有強
弱保民全境不出此塗要而歸之有四通典作者約而一曰移遠
就近二曰浚復城隍三曰察偶車牛四曰計丁課仗良守疆其上

田賦帥振其風略，蒐獵宣其號令。俎豆訓其廉恥，縣爵已縻之。設
禁已威之。徭稅有程，寬猛相濟。比及十載，民知義方。然後簡將授
奇，揚旌雲朔。風卷河蕞，電掃嵩恆。燕弧折卻，代馬摧足。秦首斬其
右臂，吳蹄絕其左肩。銘功於燕然之阿，饗徒於金微之曲。寇雖亂
亡，有徵昧弱易取。若天時人事，或未盡符。抑銳俟機，宜審其算。若
邊戍未增，星居布野。勤惰異教，貧富殊資。疆場之民，多懷彼此。虜
在去就，不根本業。雖可驅率，易在振蕩。又狡虜之性，食肉衣皮。已
馳騁為優容，已游獵為南畝。非有車輿之安，宮室之衛。櫛風沐雨，
不曰為勞。露宿草寢，維其常性。通典作露宿，勝則競利，敗不羞
走彼來或驟，而此已奔疲。且今春踰濟，既獲其利。乘勝怙快，未虞
天誅。比及秋末，容更迭死。衆騎蟻聚，輕兵鳥集。並踐禾稼。通典作
稼焚燕閭井，雖邊將多略，未審何已禦之。若盛師連屯，廢農必眾。
馳車奔驅，起役必遲。二語通典作奔馳，起役必遲，機必遲。散金行賞，損費必大。換土

客成怨曠必繁孰若因民所居並脩農戰無動眾之勞有扞衛之
實其爲利害優劣相懸也一日移遠就近已實內地今青兗舊民
及冀州新附在界首者二三萬家此寇之資也今悉可內徙青州
民移東萊平昌北海諸郡兗州冀州移太山呂南南至下邳左涿
右沂用良野沃西阻蘭陵北阨大嶧四塞之內其號險固通典作其險是
固民性重遷閭閻於圖始無虜之時喜生咨怨今新被鈔掠餘懼未
息若曉示安危居已樂土宜其歌拚就路視遷如歸二日浚復城
隍日增阻防舊秋冬收斂民人入保所已警備暴客使防衛有素
也古之城池處處皆有今雖頽毀猶可脩治粗計戶數量其所容
新徙之家悉著城內假其經用爲之閭伍納稼築場還在一處婦
子守家長吏爲餽丁夫匹婦春夏佃牧寇至之時一城千室堪戰
之士不下二千其餘羸弱猶能登陴鼓譟十則圍之兵家舊說戰
士二千足抗羣虜二萬矣三日築偶車牛日飭戎械計千家之資

不下五百犗牛爲車五百兩參合鉤連已衛其眾設使賊不可固

平行趨險賊所不能干既已族居易可檢括號令先明民知以戒

有急徵發信宿可聚四曰計丁課仗勿使有闕千家之邑戰士二

千隨其便能各自有仗素所服習銘刻出已還保通典作銘利輸

之於庫通典作武庫出行請已自衛已輸利鐵民不得辨者官已漸充

之數年之內軍用粗備矣臣聞軍國異容施於封畿之內兵農並

脩在於疆場之表攻守之宜皆因其習任通典作習俗其怯勇山陵川

陸之形通典作地利寒暑溫涼之氣各由本性易則害生是故成中作刺

怨起及瓜今若已荆吳銳已上十一字從通典補師遠屯清濟功費既重詹

怨通典作嗟苦亦深已臣料之未若卽用彼眾之易也管子治齊寄令

在民商君爲泰設已耕戰終能申威定霸行其志業非苟任強實

由有數梁用武卒其邦自滅齊用技擊厥眾亦離漢魏已來茲制

漸絕通典作微蒐田非復先王之禮治兵徒逞日日之欲有急之且民

不知戰。至乃廣延賓幕。奉旨厚秩。發遣奔救。天下騷然。方伯刺史。

拱手坐聽。自無經略。唯望朝廷遣軍。此皆忘戰之害。通典作書不教之

失也。今移民實內。後治城隍。族居聚處。村里比次。課其騎射。通其

風俗。長吏簡試。差品能不。甲科上第。漸就優別。明其勵才。通典表作捷

言州郡如此。則屯部有常。不遷其業。內護老弱。外通官塗。朋曹素

定。同憂等樂。情由習親。裁因事箸。晝戰見兒。足已相識。夜戰聞聲。

足已相救。斯教戰之一隅。先哲之遺術也。論者必曰。古城荒毀。難

可脩復。今不謂頗便加功。整麗如舊。但欲先定民居。營其閭衛。墉

壑存者。因而卽之。通典作增之其有毀缺。權時柵斷。通典作補斷足已禦彼

輕兵。防遏游騎。假已旬時。漸就完立。車牛之賦。課仗之宜。攻守所

資。軍國之要。今因民所利。導而率之。耕農之器。爲府庫之寶。田籍

之氓。兼扞城之用。千家之宰。總倍旅之兵。萬戶之都。具全軍之器。

兵強而敵不戒。國富而民不勞。比於優復隊伍。坐食廩糧者。不可

同年而校矣。今承平未久，邊令弛縱，弓餘利鐵，既不都斷，往歲巢甲垂二十年，課其所住，理應消壞，謂宜申明舊科，嚴加禁塞，諸商賈往來，幢隊挾藏者，皆已軍法治之。又界上嚴立關候，杜廢閒蹊，城保之境，諸所課仗，竝加雕鐫，別造程式。若有遺燬亡刃及私爲竊盜者，皆可立驗，於事爲長。又鉅野湖澤廣大，南通洙泗，北連青齊，有舊縣城，正在澤內，宜立式脩復舊堵，利其埽遏，給輕艦百艘，寇若入境，引艦出戰，左右隨宜應接。據其師津，毀其航漕，此已利制車運我所長，亦微微敵。

通典作此亦微敵

之要也

宋書何承天傳又見通典一百九十六

論魏文帝曰：洛京宗廟未成，祠武帝於建始殿。

案禮將營宮室，宗廟爲先，庶人無廟，故祭於寢。帝者行之，非禮甚

矣。

宋書禮志三

論蜀習隆向允請立諸葛廟于沔陽。

周禮凡有功者祭於大烝，故後代遵之。曰元勳配饗，允等曾不是。

式禪又從之竝非禮也

宋書禮志四

論旄頭

戰國並爭師旅數出懸鳥之設務察風祲宜是秦矣

宋書禮志五

論吳朝設樂

世咸傳吳朝無雅樂

宋書樂志一

案張薄本此下有案孫皓云云乃北約語也不錄

或云今之神孫氏曰爲宗廟登哥也

同上

達性論

夫兩儀既位帝王參之宇中莫尊焉天曰陰陽分地曰剛柔用人曰仁義立人非天地不生天地非人不靈三才同體相須而成者也故能稟氣清和神明特達情綜古今智周萬物妙思窮幽蹟制作倖造化歸仁與能是爲君長撫養黎元助天宣德日月淑清四靈來格祥風協律玉燭揚輝九穀芻豢陸產水育酸醎百品備其膳羞棟宇舟車銷金合土絲紵玄黃供其器服文曰禮樂娛己人

案弘明
集無祭
字
宵作霄

音。庇物殖生，罔不備設。夫民用儉則易足，易足則力有餘，力有餘則情志泰，樂治之心於是生焉。事簡則不擾，不擾則神明靈，神明靈則謀慮審，濟治之務於是成焉。故天地曰儉，素訓民，乾坤曰易，簡示物，所曰訓示，慇懃若此之篤也。安得與夫飛沈蠃蠕竝為眾生哉？若夫眾生者，取之有時，用之有道，行火俟風暴，畋漁俟豺獮，祭所曰順天時也。大夫不靡服，庶人不數器，行葦作歌，宵魚垂化，所曰愛人用也。庖廚不邇，五祀是翼，殷后改祝，孔鈞不綱，所曰明仁道也。至於生必有死，形斃神散，猶春榮秋落，四時代換，奚有於更受形哉？詩云：「愷悌君子，求福不回。」言弘道之在己也。三后在天，言精靈之升遐也。若乃內懷嗜欲，外憚權教，慮深方生，施而望報，在昔先師，未之或言。余固不敏，罔知請事焉矣。

弘明集四疏文類聚二十一

三代樂序

正德大像二舞，蓋出於二容樂。然則其聲節有古之遺音焉。

通典一百

四十七御覽
五百七十四

新麻敘

大曆數之術。若心所不達。雖復通人前識。無救其爲微也。是日多
歷年歲。猶未能有定。四分於天。出三百年而盈一。積世不悟。徒
云建麻之本。必先立元。假言讖緯。遂關治亂。此之爲蔽。亦已甚矣。
劉歆三統法。尤復疏闊。方於四分。六千餘年。又益一日。揚雄心惑
其說。采爲太玄。班固謂之最密。著於漢志。司馬彪因曰。自太初元
年。始用三統麻。施行百有餘年。曾不憶劉歆之生。不逮太初二三
君子言麻。幾乎不知而妄言者歟。元和中。穀城門候劉洪始悟四
分於天。疏闊更昌五百八十九爲繩法。百四十五爲斗分。而造乾
象法。又制遲疾麻。昌步月行。方於太初四分。轉精密矣。續漢律麻
又見宋書
志下注補

麻志上
釋奠頌

乃昔孔顏夢周希虞自天由美異代同符經修講治研幾識理道

貴崇業隆尊尚齒

初學記十四

社頌

并序

余己永初三年八月大社聊爲此文

社實陰祇稷惟穀元率育萬類協靈昊乾霸德方將世號共工厥
有才子實曰句龍稱物平賦百姓熙雍唐堯救災決河流江棄亦
播植作乂萬邦克配二祀已報勤庸勤庸伊何厚載生民倉廩既
實神節斯因人亦有言因物思人矧乃大德功被陶鈞乃家乃國
是奉是遵豈伊百世萬代不泯烝哉帝玉肇建皇極體國經野設
官分職義裁二社列幹比殖歲云其秋晷漏均程牲牢既潔嘉薦
惟馨

張文類聚三十九初學記十三御覽五百三十二

白鳩頌

并序

謹攷尋先典稽之前志王德所覃物已應顯是呂玄扈之鳳昭帝

軒之鴻烈、鄩宮之雀、微姬文之徽祚、伏惟陛下重光嗣服、永言祖武、治惠和於地絡、燭皇明於天區、故能九服混心、萬邦含愛、貞神降祥、方祇薦裕、休珍維香、景瑞畢臻、至七月上旬、時在昧旦、黃暉洞照、宇宙開朗、微風協律、甘液灑津、雖朱晃瑰瑋於運衡、榮光圖靈於河紀、蔑已尚茲、臣不量卑情、竊慕攀轅有作、相杵成謳、近又豫白鳩之觀目、翫奇偉、心懽盛烈、謹獻頌一篇、野思古拙、意及庸陋、不足已發揮清英、敷讚幽旨、瞻前顧後、亦各其志、謹冒已聞、其白鳩頌曰、

三極協情、五靈會性、理感冥符、道貫玄聖、於赫有皇、先天配命、朝景升躔、八維同映、休祥載臻、榮光播慶、宇宙照爛、日月光華、陶山練澤、是生柔嘉、回龍表粹、離穗合柯、翩翩者鳩、亦皎其暉、理嗣台領、揚鮮帝畿、口口口口、匪德莫歸、暮從儀鳳、棲閣磨關、烝哉明后、昧旦乾乾、惟德之崇、其峻如山、惟澤之瞻、其潤如淵、禮樂四達、頌

聲遐宣窮髮納貢九譯導言伊昔唐萌愛逢慶祚余生既辰而年
之暮提心命螯式歌王度晨晞永風夕漱甘露思樂靈基不遐有
宋書符瑞志下元嘉十八年八月庚午會稽山陰荀世寶獲白
鳩眼足並赤揚州刺史始興王濬曰獻太子寧更令何承天上
表

大讚

軒轅改物日經天人容成造麻大橈創辰龍集有次星紀乃分
初

地讚

九州攸同時維禹跡爰及後代疆分里析貢則屢遷名猶不易
初

五記

賜進士出身三品銜廣東憲提刑按察使司按察使兼管驛傳事務黃岡王毓藻校刊

全宋文卷二十四終

全宋文卷二十五

烏程嚴可均校輟

鄭鮮之

鮮之字道子，滎陽開封人。隆安末，爲桓偉輔國主簿，隨府轉安西功曹，入爲員外散騎侍郎、司徒左西屬、大司馬琅邪王錄事參軍，遷御史中丞，轉司徒左長史。太尉咨議參軍，進侍中，復爲太尉咨議，補右長史。宋國建，轉奉常，及受禪，遷太常、都官尚書，出爲丹陽尹，復入爲都官尚書，加散騎常侍，封龍陽縣子。出爲豫章太守。元嘉三年，進尚書右僕射。明年卒，贈金紫、光祿大夫。有集二十卷。

諫北討表

伏思聖略深遠，臣之愚管無所措其意。然臣愚見，竊有所懷。虜因狡情狀可見，自關中再敗，皆是帥師違律，非是內有事故，致外有

敗傷虜聞殿下親御六軍必謂見伐當重兵潼關其勢然也若陵
威長驅臣實見其未易若與駕頓洛則不足上勞聖躬如此則進
退之機宜在孰慮賊不敢乘勝過陝遠幅大威故也今盡用兵之
算事從屈申遣師撲討而南夏清晏賊方懼將來永不敢動若與
駕造洛而反凶醜更生揣量之心必敗邊戎之患此既必然江南
顛隕傾注輿駕忽聞遠役不測師之深淺必已殿下大申威靈未
還人情恐懼事又可推往年西征劉鍾危殆前年劫盜破廣州人
士都盡三吳心腹之內諸縣屢敗皆由勞役所致又聞處處大水
加遠師民散敗散自然之理殿下在彭城劫盜破諸縣事非偶爾
皆是無賴凶慝凡順而撫之則百姓思安違其所願必爲亂矣古
人所以救其煩穢正在於斯漢高身困平城呂后受匈奴之辱魏
武軍敗赤壁宣武喪師枋頭神武之功一無所損況偏師失律無
虧於廟堂之上者邪卽之事實非敗之謂惟齡石等可念耳若行

也或速其禍反覆思惟愚謂不煩殿下親征小劫西虜或爲河洛之患今正宜通好北虜則河南安河南安則濟泗靜伏願聖鑑察臣愚懷

宋書鄧鮮之傳宋國初建轉奉常佛佛虜陷關中高祖復欲北討行意甚盛鮮之上表諫

請立學表

至於洙泗之教洋洋盈耳所曰柔漸性情日用成器國廢胄子之敎家施勸學之訓宜振起頽業曰迴視聽接光太陽燭之幽夜令欣流者濟津懷寶者剖和

藏文類聚三十八

舉謝綸自代

蓋聞知賢弗推藏文所曰竊位宣子能讓晉國曰之獲盜鮮之猥承人乏謬蒙過眷既恩曰義隆遂再叨非服知進之難屢曰上請然自退之志未獲暫申夙夜懷冰敢忘其懼伏見行參軍謝綸清悟審正理懷通美居曰端右雖未足舒其采章升庸曰漸差可曰位擬人請免愚短甘充下列授爲賢牧實副羣望

宋書鄧鮮之傳綸倖進號安西

轉補功曹舉陳郡謝紉自代

滕羨仕宦議

名教大極忠孝而已至乎變通抑引每事輒殊本而尋之皆是求
心而遺跡跡之所乘遭遇或異故聖人或就跡曰助教或因跡曰
成罪屈申與奪雖可等齊舉其阡陌皆可略言矣天可逃乎而伊
尹廢君君可脅乎而鬻權見善忠可愚乎而箕子同仁自此曰還
殊實而齊聲異譽而等美者不可勝言而欲令百代之下聖典所
闕正斯事於一朝豈可易哉然立言明理曰古證今當使理厭人
情如滕羨情事者或終身隱處不關人事或昇朝理務無譏前哲
通勝者則曰無譏爲證寒滕者則曰隱處爲美折其兩中則異同
之情可見矣然無譏前哲厭情之謂也若王陵之母見烹於楚
陵不退身窮居終爲社稷之臣非爲榮也鮑勛蹇謬魏朝亡身爲
效觀其志非貪爵也凡此二賢非滕之論夫聖人立教猶云有禮

無時、君子不行、有禮無時、改日事有變通、不可守一故耳。若滕曰此二賢爲證、則恐人人自賢矣。若不可人人自賢、何可獨許其證。議者兼在於人、不但獨證其事。漢魏以來、記闕其典、尋而得者無幾人。至乎大晉中朝、及中興之後、楊璠則七年不除喪、三十餘年不關人事。溫公則見逼於王命。庾左承則終身不著袷。高世遠則爲王右軍何騎驃所勸割、無有如滕之易者也。若曰縗麻非爲哀之主、無所復言矣。文皇帝曰東關之役、尸骸不反者、制其子弟不廢婚宦、明此孝子已不自同於人倫、有識已審其可否矣。若其不爾、居宗輔物者、但當卽聖人之教、何所復明制於其閒哉。及至永嘉大亂之後、王敦復申東關之制於中興、原此是爲國之大計、非爲訓範人倫盡於此也。何曰言之、又譬明不同戴天口、而爲國不可許復讐、此自曰法奪情、卽是東關永嘉之喻也。何妨綜理王務者、布衣曰處之、明教者自謂世非橫流、凡士君子之徒、無不可仕。

之理而雜以情議謂宜在貶裁耳若多引前事以爲通證則孝子可顧法而不復讐矣文皇帝無所立制於東關王敦無所明之於中興每至斯會輒發之於宰物是心可不喻乎且夫求理當先曰遠大若滄海橫流家國同其淪溺若不仕也則人有餘力人有餘力則國可主乎亡家可主乎滅當斯時也匹婦猶亡其身況大丈夫哉既其不然天下之才將無所理滕但當盡陟嶠之哀擬不仕者之心何爲證喻前人曰自通乎且名爲大才之所假而小才之所榮榮與假乘常已有慙德無欣工進何有情事乎若其不然則工進無欣何足貴於千載之上邪苟許小才榮其位則滕不當顧常疑曰自居乎所謂柳下惠則可我則不可也且有生之所宗者聖人聖人之爲教者禮法卽心而言則聖人之法不可改也而秦曰郡縣治天下莫之能變漢文除肉刑莫之能復彼聖人之爲法猶見改於後王況滕賴前人而當必通乎若人皆化未知斯事可

俟後聖與不況仕與不仕各有其人而不仕之所引每感三年之下見議者引通情紀每傷中庸又云若許讓滕則恐亡身致命之仕以此而不盡何斯言之過與夫忠烈之情初無計而後動若計而後動則懼法不盡命若有不盡則國有常法故古人軍敗於外而家誅於內苟忠發自內或懼法於外復有踟躕顧望之地邪若有功不賞有罪不誅可致斯喻耳無有名教翼其子弟而子弟不致力於所天不致力於所天則王經忠不能救主孝不顧其親是國家之罪人耳何所而稱乎夫恩宥十世非不隆也功高賞厚非不報也若國憲無負於滕恬則羨之通塞自是名教之所及豈是勸沮之本乎議者又曰唐虞邈矣孰知所歸尋言求意將所負者多乎後漢亂而不亡前史猶謂數公之力魏國將建苟令君正色異議董昭不得枕蘇則之親賈充受辱於庾純曰此而推天下之正義終自傳而不沒何為發斯歎哉若曰時非上皇便不足復言

多者則夷齊於夷望子房於西人亦無所復措其言矣至於陳平
默順避禍曰權濟屈皆是衛生免害非爲榮也滕今生無所衛鞭
塞已冥義安在乎昔陳壽在喪使婢九藥見貴鄉間阮咸居哀騎
驢偷婢身處王朝豈可曰阮獲通於前世便可疑於後乎且賢聖
抑引皆是究其始終定其才行或雖事有驚俗而理必獲申祢詵
葬母後園而身登宦所曰免責曰其孝也曰碑殺兒無譏曰其忠
也今豈可曰二事是忠孝之所爲便可許殺兒葬母後園乎不可
明矣既其不可便當究定滕之才行無所多辨也滕非下官鄉親
又不周旋才能非所能悉若曰滕謀能決敵才能周用此自追蹤
古人非議所及若是士流故謂宜如子夏受曾參之詞可謂善矣
而子夏無不孝之稱也意之所懷都盡於此自非名理何緣多其
往復如其折中裁之居宗宋書鮑鮮之傳爲桓偉輔國主簿先是
充州刺史滕爲丁零翟遼所殺死屍
不反情子羨仕宦不廢議者嫁之
桓立在荊州使羣僚博議鮮之議

父疾去職議

夫事有相權、故制有與奪、此有所屈、而彼有所申、未有理無所明、事無所獲、而爲永制者也、當曰去官之人、或容詭託之事、詭託之事、誠或有之、豈可虧天下之大教、曰未傷本者乎、且設法蓋曰眾苞寡、而不曰寡違眾、況防杜去官、而塞孝愛之實、且人情趨於榮利、辭官本非所防、所曰爲其制者、莅官不久、則奔競互生、故杜其欲速之情、曰中考績之實、省父母之疾、而加曰罪名、悖義疾理、莫此爲大、謂宜從舊、於義爲允、宋書鄭鮮之傳長史曰父疾去官禁錮三年山陰令沈叔任父疾去職

鮮之因此上議從之

啟事

伏承明旦見南蠻是四廢日、來月朔好、不審可從否、

與沙門論踞食書

夫聖人之訓、修本祛末、卽心爲教、因事成用、未有反性違形、而篤

紫弘明集
作申所至

大化者也。雖復形與俗乖，事高世表。至於拜敬之節，揖讓之禮，由申所至，道俗不殊也。故齊講肆業，則備其法服，禮拜有序，先後有倫。敬心內充，而形肅於外。稽首至地，不容企踞之禮。斂衽于拜，事非偏坐所預，而目踞食爲心用。遺儀爲斂屨，事理相違，未見其通者也。夫有爲之教，義各有之。至若般舟苦形，已存道，道親而形疏，行之有理，用之有本。踞食之教，義無所弘，進非苦形，退貽慢易，見形而不及道者，失其恭肅之情，而啟駭慢之言。豈聖人因事爲教，章甫不適越之義邪？原其所起，或出於殊方之性，或於矯枉之中，指其所救，如病急則藥速，非服御長久之法也。夫形教相稱，事義有倫，既制其三服，行其禮拜，節已法鼓，列已次序，安得企踞其閒，整慢相背者哉？在昔宜然，則適事所至，一日之用，不可爲永年之訓，理可知也。故問仁者眾，而復禮爲本。今禪念化心，而守跡不變，在理旣末，於用又纒，苟所未達，敢不布懷。鄭君頓首。

神不滅論

多曰形神同滅。照識俱盡。夫所曰然。其可言乎。十世既已。周孔爲極矣。仁義禮教。先結其心。神明之本。絕而莫言。故感之所體。自形已還。佛唱至言。悠悠弗信。余墜弱懷。思復淪溺。仰尋玄旨。研求神要。悟夫理精於形。神妙於理。寄象傳心。麤舉其證。庶鑒諸將。悟遂有功於滯惑焉。夫形神混會。雖與牛俱存。至於靈妙分源。則有無區異。何曰言之。夫形也。五臟六腑。四肢七竅。相與爲一。故所曰爲生。當其受生。則五常殊授。是曰肢體偏病。耳目互缺。無奪其爲生。一形之內。其猶如茲。況神體靈照。妙統眾形。形與氣息俱運。神與妙覺同流。雖動靜相資。而精靈異源。豈非各有其本。相因爲用者邪。近取諸身。卽明其理。庶可悟矣。一體所資。肌骨則痛癢所知。爪髮則知之所絕。其何故哉。豈非肌骨所曰爲生。爪髮非生之本也。南藏此下有牛之本邪生在本則知存。生在末則知滅。一形之用。猶生之所本。八字原注

日本末爲興廢。況神爲生本。其源至妙。豈得與七尺同枯。戶牖俱盡者哉。推此理也。則神之不滅。居可知矣。

客難曰。子之辨神形盡矣。卽取一形之內。知與不知情矣。然形神雖盛妙異源。但已有爲分。夫所已爲有。則生爲其本。既孰有本已盡。而資乎本者。獨得存乎。出生之表。則廓然冥盡。既冥盡矣。非但無所立言。亦無所立其識矣。識不立。則神將安寄。既無所寄。安得不滅乎。答曰。子之難辯。則辯矣。未本諸心。故有若斯之難乎。夫萬化皆有也。榮枯盛衰。死生代乎。一形盡。一形生。此有生之始終也。至於水火。則彌貫羣生。瞻而不匿。豈非火體因物。水理虛順。生不自生。而爲眾生所資。因卽爲功。故物莫能竭乎。同在生域。其妙如此。況神理獨絕。器所不鄰。而限已生表。冥盡神無所寄哉。因斯而談。太極爲兩儀之母。兩儀爲萬物之本。彼太極者。渾元之氣而已。猶能總此化根。不變其一。矧神明靈極。有無兼盡者邪。其爲不滅。

可曰悟乎。

難曰子推神照於形表指太極於物先誠有其美然理貴厭心然後談可究也夫神形未嘗一時相違相違則無神矣草木之無神無識故也此形盡矣神將安附而謂之不滅哉苟能不滅則自乖其靈不資形矣既不資形何理與形爲生終不相違不能相違則生本是同斷可知矣荅曰有斯難也形神有源請爲子循本而釋之夫火因薪則有火無薪則無火薪雖所曰生火而非火之本火本自在因薪爲用耳若待薪然後有火則燧人之前其無火理乎火本至陽陽爲火極故薪是火所寄非其本也神形相資亦猶此矣相資相因生塗所由耳安在有形則神存無形則神盡其本惚恍不可言矣請爲吾子廣其類曰明之當薪之在水則火盡出水則火生一薪未改而火前明神不順形又如茲矣神不待形可曰悟乎。

紫弘明集
在水出水
不字皆作
火

難曰神不待形未可頓辨就如子言苟不待形則資形之與獨照其理常一雖曰相資而本不相關佛理所明而必陶鑄此神曰濟彼形何哉荅曰子之問有心矣此悠悠之所惑而未暨其本者也神雖不待形然彼形必生必生之形此神必宅必宅必生則照感爲一自然相濟自然相濟則理極於陶鑄陶鑄則功存功存則道行如四時之於萬物豈有心於相濟哉理之所順自然之所至耳難曰形神雖異自然相濟則敬問矣子既壁神之於形如火之在薪薪無意於有火火無情於寄薪故能合用無窮自與化永非此薪之火移於彼薪然後爲火而佛理曰此形既盡更宅彼形形神去來由於罪福請問此形爲罪爲是形邪爲是神邪若形也則大治之一物耳若神也則神不自濟繫於異形則子形神不相資之論於此而躓矣荅曰宜有斯問然後理可盡也所謂形神不相資明其異本耳既曰爲生生生之內各周其用苟用斯生曰成罪福

可
七下此字

神豈自妙其照不爲此形之用邪。若其然也。則有意於賢愚。非忘照而玄會。順理玄會。順理盡形。化神宅此形。子不疑於其始。彼此一理而性於其終邪。

難曰。神卽形爲照。形因神爲用。斯則然矣。悟旣由神。惑亦在神。神隨此形。故有賢愚。賢愚非神。而神爲形用。三世周迴。萬劫無算。賢愚靡始。而功顯中路。無始之理玄。而中路之功未。孰有在未之功。而拔無始之初者邪。若有嘉通。則請從後塵。答曰。子責其始。有是言矣。夫理無始終。玄極無涯。旣生旣化。罪福往復。自然所生耳。所謂聰明誠由耳目。耳目之本非聰明也。所謂賢愚誠應有始。旣爲賢愚。無始可知矣。夫有物也。則不能管物。唯無物。然後能爲物所歸。若有始也。則不能爲終。唯無始也。然後終始無窮。此自是理所必然。不可徵事之有始。而責神同於事。神道玄遠。至理無言。髣髴其宗。相與爲悟。而自未徵本。動失其統。所已守此一觀。庶階其峯。

若肆辯競辭、余知其息矣、洪範說生之本、與佛同矣、至乎佛之所
演、則多河漢、此溺於日用耳、商臣極逆、後嗣隆業、顏冉德行、早夭
無聞、周孔之教、自爲方內、推此理也、其可知矣、請廣其證、曰、究其
詳、夫稟靈乘和、體極淳粹、堯生丹朱、頑凶無章、不識仁義、瞽瞍誕
舜、原生則非所育、求理應傳美其事、若茲而謂佛理爲迂、可不悟
哉、

釋藏車五
引明集五

祭牙文

絜牲先事、薦茲敬祭、崇牙旣建、義鋒增厲、人鬼一揆、三才同契、惟
茲靈鑒、庶必有察、逆順幽辯、忠孝顯節、使凶醜時殲、主監臣悅、振
旅上京、凱歸西蕃、神器增曜、四境永安、仇文類聚六十初學記二
一御覽三百三十九

賜進士出身二品銜廣東等處提刑按察使司按察使兼管驛傳事務黃岡王毓藻校刊

全宋文卷二十五終

全宋文卷二十六

烏程嚴

傅亮

亮字季友，北地靈州人。晉司隸校尉傅咸玄孫。初爲建威參軍，歷桓謙中軍行參軍。桓玄篡位，遷爲祕書郎。未拜，義兵起，丹陽尹孟昶召爲建威參軍。義熙初，除員外散騎侍郎，轉領軍、長史。未拜，遭母憂，服闋，爲劉毅撫軍記室參軍。又補領軍司馬。遷散騎侍郎，轉中書黃門侍郎。尋爲太尉從事中郎，掌記室。宋國建，除侍中、領世子中庶子，徙中書令。武帝受禪，遷太子詹事、中書令如故，封建城縣公。轉尚書僕射。少帝卽位，進中書監、尚書令，領護軍將軍。尋行廢立。文帝卽位，加散騎常侍、左光祿大夫，開府儀同三司。進爵始興郡公。元嘉三年，伏誅。有集三十一卷。宋史傅亮傳云：高祖登庸之始，文筆皆是參軍滕演。北征廣固，悉委長史王誕。自此之後，至於受命表策文誥，皆亮辭也。張溥不

有進劉裕侍中車騎將軍詔封豫章郡公詔封宋公詔進宋王
詔宋公詔驛策碑宋聖書今改前二詔必非亮作唯宋公宋王
當屬亮而無左證碑代
詔策則王部之作也

喜雨賦

唯二儀之順動數有積而時偏望襄陵於唐籍感雲漢於周篇匪
叔葉之或遇在盛土其固然伊元嘉之初載肇未明於此年懿王
燭之方熙愠積陽之獨愆淵源泉於井谷委嘉穎於中田嗟我皇
之翼翼悵臨朝而輟娛踵冲軌於禹湯協至誠於在余且東作之
未竣庶雨露之風濡道縣子之徒塵尤魯侯之焚巫祇桑林之六
禱修季宰之再雩誠在幽其必貫感何遠而不孚聆晨鵲於高垓
候宵畢於天隅發曾雲於觸石晦重陽於八區春霆殷日遠響興
雨霈而載塗灑豐浸於中囿覃餘潤於嘉蔬殷爵人於菑畝衍將
繁於中衢嗣良頌於多稔兆嘉夢於維魚矧具臣之逢運又均休
而等處陶山成於暮稔念歸駕於董疏

截文類聚二
初學記二

九月九日登陵器館賦

歲九兮之暮月，肅晨駕而北逝。度迴壑，曰停轅。凌孤館而遠想，何物慘而節哀。又雲悠而風厲，悴絲繁於寒渚。墮豐滋於荒澤，玩中原之芬菊。惜蘭圃之凋蕪，旂竹柏之勁心。謝梧楸之香脆，爾乃流盼平隰，落日還皋。於感具盈，在物周騷。聆離鵠之棲響，泝鳴林之瀏飈。彼遊子之苦傷，每寤歎於我勞。矧集悲而鍾苦，疚寸心其如何。眇天末，曰遙睽。怨故鄉之阻遼，藝文類聚四初學記四

登龍岡賦

靜潛處，曰永念。聊駕言，曰寫憂。蒙旭露而夙軫，稅余轡於龍王。南臨平隰，西際荒疇。比宇連夢，幽榛四周。眺江都之廣澤，究川陸之迴修。羨翔羽之嬉林，樂絲蘋之在流。乘清漪，曰汎濫。翳稠枝而命仇，信遂生之有所。何怵迫於人尤，藝文類聚六

征思賦

逢休萌之餘貽託菲薄於末暉既致戎於皇幄亦被已於宰闈傷
鵠梁已載揚詠伐檀而屢思和風翕已首節零雨鬱而四漾津雲
曖已合體墳衍杳其無封羨歸飛之能矯樂湍流之自東想和鑾
之北徂企雲旗之西舉灑三川之積塵廓二嶠之重岨觀高掌於
華陽聆鳴鳳於洛浦

藝文類聚
五十九

感物賦

并序

余已暮秋之月述職內禁夜清務隙遊目藝苑於時風霜初戒
蟄類尚繁飛蛾翔羽翩翩滿室赴軒幌集明燭者必已焦滅爲
度雖則微物矜懷者久之退感莊生異鵠之事與彼同迷而忘
反鑒之道此先師所已鄙智及齊客所已難目論也悵然有懷
感物興思遂賦之云爾

在西城之暮昏肅皇命於禁中聆蜻蛚於前廡鑒朗月於房櫳風
蕭瑟已陵幌霜澄澄而彼牖憐鳴蜩之應節惜落景之懷東嗟勞

人之萃感何夕。水而慮充。眇今古。已遐念。若循環之無終。詠倚相之遺矩。希並生之方融。鑽光燈而散袞。溫聖哲之遺蹤。墳素杳已難陞。九流紛其異封。領三百於無邪。貫五千於有宗。攷舊聞於前史。訪心跡於汗隆。豈夷阻之在運。將全喪之由躬。遊翰林之彪炳。嘉美手於良工。辭存贍而去穢。旨既雅而能通。雖源流之深浩。且揚摧而發蒙。習習飛蚋。颼颼纖蠅。緣帙求隄。望爛思陵。糜蘭膏而無悔。赴朗燭而未懲。瞻前軌之既覆。忘改轍於後乘。匪微物之足悼。悵永念而拊膺。彼人道之爲貴。參二儀而比靈。稟清曠已投氣。脩緣督而爲經。照安危於心術。鏡纖兆於未形。有刳末而捨本。或耽欲而忘生。碎隨侯於微餌。捐所重而要輕。矧昆蟲之所昧。在智士而猶嬰。悟雕陵於莊氏。幾鑒濁而迷清。仰前脩之懿軌。知吾跡之未并。雖宋元之外占。曷在予之克明。豈知反之徒爾。喟投翰已增情。

宋書傳

芙蓉賦

攸庶卉之珍麗。實總美於芙蓉。潛幽泉。已育藕。披翠蓮而挺敷。汎
輕荷。已冒沼。列紅葩而曜除。微旭露。已滋采。靡朝風而肆芳。表麗
觀於中池。播郁烈於蘭堂。在龍見而葩秀。於火中而結房。豈呈芬
於芷蕙。將越味於沙棠。詠三閭之披服。美蘭佩而荷裳。伊玄匠之
有瞻。悅嘉卉於中渠。既暉映於丹墀。亦納芳於綺疏。執文類聚八
十二初學記

立學詔

古之建國。教學爲先。弘風訓世。莫尙於此。發蒙啟滯。咸必由之。故
爰自盛王。迄於近代。莫不敦崇學藝。脩建庠序。自昔多故。戎馬在
郊。旂旗卷舒。日不暇給。遂令學校荒廢。誦讀蔑聞。軍旅日陳。俎豆
藏器。訓誘之風。將墜于地。後生大懼於牆面。故老竊歎於子衿。此
國風所召。永思小雅所引。懷古。今王略遠屆。華域載清。仰風之士

日月已冀、便宜博延、胃子陶獎、童蒙選、備儒官、弘振國學、主者攷
詳舊典、已時施行、宋書武帝紀下、載文類聚三十八、已爲傳亮作

策加宋公九錫文

朕已寡昧、仰續洪基、夷羿乘桴、蕩覆王室、越在南鄙、遷於九江、宗
祀絕饗、人神無位、提挈羣凶、寄命江介、則我祖宗之烈、奄墜於地、
七百之祚、翦焉莫嗣、若涉淵海、罔知攸濟、天未絕晉、誕育英輔、拔
厥施維、再造區夏、興亡繼絕、俾皆作明、元勳至德、朕實賴焉、今將
授公典策、其敬聽朕命、乃者桓玄肆僭、滔天泯夏、拔本塞源、顛倒
六位、庶僚俛首、四方莫卹、公精貫朝日、氣凌霄漢、奮其靈武、大殲
羣慝、尅復皇邑、奉歆神祇、此公之大節、始于勤王者也、授律羣后、
泝流長驚、薄伐崢嶸、獻捷南郢、大憝折首、羣逆夷殄、三光旋照、舊
物反正、此又公之功也、出藩入輔、弘茲保勩、阜財利用、繁殖生民、
編戶歲滋、疆宇日啟、導德明刑、四境有截、此又公之功也、鮮卑貢

眾僧盜三齊狼噬冀青虔劉沂岱介恃遐阻仍爲邊毒公蒐乘秣
 馴雙入遠疆衝櫓四臨萬雉俱潰竊號之虜顯戮司寇拓土三千
 申威龍漠此又公之功也盧循妖凶伺隙五嶺乘虛肆逆侵覆江
 豫旂拂寰內矢及王城朝野喪沮莫有固志家獻徙卜之計國議
 遷都之規公乘輶南濟義形於色巖然內湛視險若夷擣略運奇
 英謨不世狡寇窮衄喪旌宵遁俾我畿甸拯於將墜此又公之功
 也追奔逐北揚旂江濱偏旅浮海指日遡至番禺之功俘級萬數
 左里之捷魚潰鳥散元凶遠遁傳首萬里海南肅清荒服來款此
 又公之功也劉毅叛渙負豐西夏凌上罔主志肆奸暴附麗協黨
 扇蕩王畿公御軌日刑消之不日倉兇電泝神兵風埽罪人斯得
 荆衡清晏此又公之功也譙縱怙亂寇竊一隅王化阻闕三巴淪
 溺公指命偏師授呂良圖淩波浮瀾致屈井絡僭豎伏鎖梁岷草
 偃此又公之功也馬休魯宗阻兵內侮驅率二方連旗稱亂公投

秋星言斫其上路江津之師勢踰風電迺旆河川實繁衆慄一叛
奔迸荆雍來蘇元澤浚育溫風潛被此又公之功也永嘉不競四
夷擅華五都幅裂山陵幽辱祖宗懷沒世之憤遺民有匪風之思
公遠齊伊宰納隍之仁近同小白滅亡之恥鞠旅陳師赫然大號
分命羣帥北徇司兗許鄭風靡羣洛載清僞牧逆藩交臂請罪百
牟榛穢一朝埽滌此又公之功也公有康宇內之勲重之曰明德
爰初發迹則奇謀冠世電擊彊妖則鋒無前對聿溫東畿大造黔
首若乃草昧經綸化融於歲計扶危靜亂道固於苞桑辨方正位
納之軌度蠲削煩苛較若畫一淳風美化盈塞區宇是已絕域獻
琛遐夷納賁王略所亘九服率從雖文命之東漸西被咎繇之邁
于種德何已尙茲朕聞先王之宰世也庸勳尊賢建侯胙土褒已
寵章崇其微物所已協輔皇家永隆藩屏故曲阜光啟遂荒徐宅
營丘表海四履有聞其在襄王亦賴匡霸又命晉文備物光錫惟

公道冠前烈、勲高振古、而殊典未加、朕甚惜焉。今進授相國、呂徐州之彭城、沛、蘭陵、下邳、淮陽、山陽、廣陵、兗州之高平、魯、泰山、十郡封公爲宋公。錫茲玄土、其曰白茅、爰定爾居、用建冢社。昔晉鄭啟藩、入作卿士、周邵保傅、出總二南、內外之重、公實兼之。今命使持節、兼太尉、尚書、左僕射、晉寧縣五等男湛、授相國印綬。宋公璽綬、使持節、兼司空、散騎常侍、尚書、陽遂鄉侯泰、授宋公茅土、金虎符、第一至第五、左竹使符第一至第十、左相國位無不總、禮絕朝班、居常之名、宜與事革。其曰相國、總百揆、去錄、尚書之號、上送所假節、侍中、貂蟬、中外都督、太傅、太尉、印綬、豫章公印、策進揚州刺史、爲牧、領征西將軍、司像、北徐、雍、四州刺史如故。公紀綱禮度、萬國是式、秉介蹈方、罔有遷志。是曰錫公大輅、戎輅各一、玄牡二、駟公抑末敦本、務農重積、采繫實殷、稼穡惟阜。是用錫公兗冕之服、赤舄副焉。公閑邪納正、移風改俗、陶鈞品物、如樂之和。是用錫公軒

縣之樂、六佾之舞、公宣美王化、導揚休風、華夷企踵、遠人胥萃、是用錫公朱戶、呂居、公官方任能、網羅幽滯、九泉辭野、髦士盈朝、是用錫公納陛、呂登、公當軸處中、率下呂義、式遏寇讎、清除苛慝、是用錫公虎賁之士三百人、公明罰恤刑、庶獄詳允、放命于紀、罔有攸縱、是用錫公鈇鉞各一、公龍驤鳳矯、咫尺八紘、括囊四海、折衝無外、是用錫公彤弓一、彤矢百、盧弓十、盧矢千、公溫恭孝思、致虔禋祀、忠肅之志、儀刑萬方、是用錫公秬鬯一卣、珪瓚副焉、宋國置丞相、呂下一遵舊儀、欽哉、其祗服往命、茂對天休、簡恤庶邦、敬敷顯德、呂終我高祖之嘉命、宋書武帝紀中南史宋本紀一藝文類聚五十三呂爲傅亮作

爲宋公修復前漢諸陵教

夫信陵之墳、守衛無曠、展季之塋、樵採有刑、彼匹夫懷道、列國陪隸、猶見禮異世、取貴鄰邦、漢高撥亂反正、大造區宇、道拯橫流、功高百代、盛德之烈、義在不泯、藝文類聚四十

爲宋公修楚元王墓教

綱紀夫褒賢崇德千載彌光尊本敬始義隆自遠楚元王積仁基德啟藩斯境素風道業作範後昆木支之祚實隆鄒宗遺芳餘烈奮乎百世而丘封翳然墳塋莫覓感遠存往慨然永懷夫愛人懷樹甘棠且猶勿翦追甄墟墓信陵尙或不泯況瓜瓞所興開元自本者乎可獨復近墓五家長給灑埽便可施行

文選又黃文類聚四十御覽五百六

爲宋公修張良廟教

綱紀夫盛德不泯義存祀典微管之歎撫事彌深張子房道亞黃中照鄰殆庶風雲立感蔚爲帝師夷項定漢大拯橫流固已參軌伊望冠德如仁若乃神交圯上道契相洛顯默之際自然難究淵流浩漭莫測其端矣塗次舊浦仁駕留城靈廟荒頓遺像陳昧撫事懷人永歎實深過大梁者或仁想於夷門游九京者亦流連於

隨會擬之若人亦足言云可改攝棟宇修飾丹青蘋蘩行潦日時致
薦拊懷古之情存不刊之烈主者施行

文選又宋書
武帝紀中

爲宋公至洛陽謁五陵表

臣裕言近振旅河湄揚旂西邁將屆舊京咸懷司雍河流遄疾道
阻且長加已伊洛榛蕪津塗久廢伐木通徑淹引時月始已今月
十二日次故洛水浮橋山川無改城闕爲墟宮廟隳頓鍾簋空列
觀宇之餘鞠爲禾黍應里蕭條雞犬罕音感舊永懷痛心在目已
其月十五日奉謁五陵墳塋幽淪百年荒翳天衢開泰情禮獲申
故老掩涕三軍悽感瞻拜之日愜慨交集行河南太守毛修之等
旣開翦荆棘繕脩毀垣職司旣備蕃衛如舊伏惟聖懷遠慕兼慰
不勝下情謹遣傳詔殿中中郎臣某奉表言聞

文選

爲送公求加贈劉前軍表

臣聞崇賢旌善王教所先念功簡勞義深追遠故司勳秉策在勤

必記德之休明沒而彌著故尙書左僕射前軍將軍臣穆之爰自
布衣協佐義壇內竭謀猷外勤庶政密勿軍國心力俱盡及登庸
朝右尹司京畿敷讚百揆翼新大猷頃戎車遠役居中作捍撫寧
之勳實洽朝野識量局致棟幹之器也方宣讚盛化緝隆聖世志
績未完遠邇悼心皇恩哀述班同三事榮哀既備寵靈已泰臣伏
思尋自義熙草創艱患未弭外虞旣殷內難亦荐時屯世故靡有
寧歲臣曰寡劣負荷國重實賴穆之匡翼之勳豈惟謹言嘉謀溢
于民聽若乃忠規密謨潛慮帷幕造膝詭辭莫見其際事隔於皇
朝功隱於視聽者不可勝記所已陳力一紀遂克有成出征入輔
幸不奪命微夫人之左右未有寧濟其事者矣履謙居寡守之彌
固每議及封爵輒深自抑絕所已勳高當年而茅土弗及撫事永
念胡寧可昧謂宜加贈正司追甄土宇俾忠貞之烈不泯於身後
大賞所及永秩於善人臣契聞心夷旋觀終始金蘭之分義深情

不久選作
感是日獻其乃懷布之朝聽啟上合請付外詳議

五

爲劉毅軍敗白解表

遂令犬羊內侮、兵燹紫極、聖朝肝膽、社稷幾殆、稽之典刑、罪不容
宥、賴天祚有底、家宰靈武、長蛇翦毒、醜類宵遁、今畿甸告寧、四封
有截、臣元毀大責、既積朝野、桑榆之效、又無與立、而聖恩含宥、弛
其微墨、偏私之議、既彰民聽、況可重荷岳牧之任、復當推轂之重、
裁文類聚
五十四

讓尚書僕射表

自皇基肇創、豫班策勛、纖善微績、未聞朝野、百揆治樞、總貳殷要、
誠非庸臣所宜叨擬、臣聞權衡既懸、錙銖靡遁、厲驚習驥、終莫之
近、敗駕傷錦、備之前誥、必將上增國垢、下招私黷、
爲尚書八座奏封諸皇弟皇子

張文類聚
四十八

臣聞懿親廣樹聖主所先明德並建古之休典所已維城皇代盤
石帝基內衛畿服外綏四海者也第某皇弟皇子等神姿穎哲大
成俱茂地均魯衛德兼庸賢顯進徽號敝建疆宇弘道作屏光喻
邦家竝可封郡王

藝文類聚
卷十一

與蔡廓書

揚州自應著刺史服耳然謂坐起班次應在朝堂諸官上不應依
官次坐下足下試更尋之詩序云王姬下嫁於諸侯衣服禮秩不
係其夫下皇后一等推王姬下皇后一等則皇子居然在王公之
上陸士衡起居注式乾殿集諸皇子悉在三司上今鈔疏如別又
海西卽位赦文太宰武陵王第一撫軍會稽王第二大司馬第三
大司馬位既最高又都督中外而次在二王之下豈非下皇子邪
此文今具在也永和中蔡公爲司徒司馬傍文爲撫軍開府對錄
朝政蔡爲正司不應反在僕同之下而於時位次相王在前蔡公

次之耳。諸例甚多。不能復具。疏揚州反。乃居卿君之下。恐此失體。宜改之邪。

宋書蔡卿傳

與沈林子書

班爵酬勳。歷代常典。封賞之發。簡自帝心。主上委寄之懷。實參休咎。誠心所期。同國榮戚。政復是卿諸人共弘。建內外爾。足下雖存挹退。豈得獨爲君子邪。

宋書白序

與謝晦書

薄代河朔。事猶未已。朝野之慮。憂懼者多。

宋書謝晦傳

朝士多諫北征。上當遣外監萬幼宗往相諮訪。

同上

辛有讚

穆生讚

董仲道讚

並見宋書傅亮傳亡

文殊師利菩薩讚

在昔龍中、今也童眞、乘化游方、罔識厥津、高會維那、研微盡神、發

揮幽蹟、道達天人、初學記二十三

彌勒菩薩讚

時無並后、道不二司、龍潛兜率、按轡候時、翳翳長夜、懷而慕思、思

樂朗旦、屬想靈期、初學記二十三

演慎論

大道有言、慎終如始、則無敗事矣、易曰、括囊無咎、慎不害也、又曰、
籍之用茅、何咎之有、慎之至也、文王小心、大雅詠其多福、仲由好
勇、馮河貽其苦箴、虞書箸慎身之譽、周廟銘陞坐之側、因斯曰談、
所已保身全德、其莫尚於慎乎、夫四道好謙、三材忌滿、祥萃虛室、
鬼瞰高屋、豐屋有蔀家之災、鼎食無百季之貴、然而徇欲厚生者、
忽而不戒、知進忘退者、冒莫大之懲、前車已摧、後鑒不息、乘危已庶
安、行險而微倖、於是、有顛隕覆亡之禍、殘生夭命之歟、其故何哉、

流溺忘反、而己身輕於物也。故昔之君子、同名爵於香餌、故傾危
不及思、憂患而豫防、則針石無用。洪流雖於涓涓、合拱挫於纖縈。
介焉是式、色斯而舉。悟高鳥、曰風逝、鑑醴酒而投絺。夫豈微著而
後謀通、患結而後思復云爾而已哉。故詩曰、慎爾侯度、用戒不虞。
言防萌也。夫單曰營內喪表、張曰治外失中。齊秦有守一之敗、偏
恃無兼濟之功。冰炭滌於心胃、巖牆絕於四體。夫然、故形神偕全。
表裏寧一、營魄內澄。百骸外固、邪氣不能襲。憂患不能及。然可曰
詒至而言極矣。夫曰嵇子之抗心希古、絕羈獨放、五難之根既拔。
立生之道無累。人患殆乎盡矣。徒曰忽防於鍾呂、肆言於禹湯。禍
機發於豪端、逸翮鍛於亟舉。觀夫貽書良友、則匹厚味於甘醢。字

其懼患也。若無轡而乘奔、其慎禍也。猶履冰而
臨谷。或振褐高樓、揭竿獨往。或保約違豐、安于卑位。故漆園外楚
忌在龜犧、商洛遐邇。畏此駟馬。平仲辭邑、殷鑒於崔駟。張臨抱滿

灼戒乎桑霍。若君子覽茲二塗。則賢鄙之分既明。全喪之實又顯。非知之難。慎之惟艱。慎也者。言行之樞管乎。夫據圖揮刃。愚夫弗爲。臨淵登峭。莫不惴慄。何則。害交故慮。驚患切而懼深。故詩曰。不敢暴虎。不敢馮河。慎微之謂也。故庖子涉族。恍然爲戒。差之一毫。獎猶如此。況乎觸害犯機。自投死地。禍福之具。內充外斥。陵九折於叩焚。泛衝波於呂梁。傾側成於俄頃。性命哀而莫救。嗚呼。嗚呼。故語有之曰。誠能慎之。福之根也。曰。是何傷禍之門爾。言慎而已矣。宋書傳

司徒劉穆之碑

公諱穆之。字道和。彭城人也。公膺陶鈞之秀範。該生民之上操。三變肇於弱谷。九德充於初迪。文明在中。柔順暢於事業。敬片直內。義讓洽於州黨。時元凶竄遁。擁據荆沔。乘輿播幸。越蹈九江。公率先羣后。電發川淵。獎懷本之眾。勵思奮之士。柏謙籍累葉之資。徐

覆幘驟勝之鋒。習亂之徒。若蚩毛而起。內懷根本之虞。外通首尾之勢。公靈武獨運。奇謀內湛。翰旅陳眾。觀險若夷。飛雲西派。則水截鯨鯢。乘輅東指。則陸殪長蛇。迴累碁之危。成維山之固。豐功茂勳。大造於王室。清風懿化。永結於荆南。銘曰。

二儀發揮。川嶽協靈。外恢溫雅。內鏡文明。懷仁履順。蘊義居貞。煌煌衮衣。禮亦隆止。翼翼素心。亮終如始。夷情升降。一色愜喜。訓儉於物。復禮於己。藝文類聚四十七

侍中王公碑

體亞黃中。道及微管。元勳盛德。光于晉載。于時運距無妄。陵夷有漸。至於兵纒象魏。壘結四郊。公以民望。首朝居疑。明之際。懷方履順。處艱已貞。顛沛不能迴其操。強禦無已蕩其守。鏖矣公侯。乘和挺生。識深冬潭。文監春榮。爰初素履。好是冲默。亦既端委。振風育

德。藝文類聚四十八

故安成太守傅府君銘

案亮父暖爲安成太守

爰自漢季。已及晉朝。高明遠德。係軌于時。貞風亮節。流聲累葉。君承世德之芳。流蕩二象之淑。靈含章蘊。粹佩蘭蕙。韋帶飯蔬。朝不及夕。不曰棲遲。改其閒。不曰隱約。同其操。楊生所爲。久幽而不改。隨和之德者。其斯之謂歟。棲心古烈。擬踵前修。淹留孔老。宛然內求。于言中倫。庸行歸周。神之聽之。匪明匪幽。

藝文類聚五十

賜進士出身一品銜廣東等處提刑按察使司按察使兼梓潼縣事王毓藻校刊